

素菴公墓誌銘

景泰元年庚午賜進士及第資政大夫戶部尚書廬陵陳循

君姓章氏諱瑾字用欽別號素菴世家澗之會稽履歷見在史牒宋景定甲子宏詞科省元斌之六世孫也高祖復四曾祖文黼贈嘉議大夫禮部右侍郎曾祖妣孟氏贈淑人祖理別號適安有隱德薦徵弗起贈同其官祖妣楊氏封太淑人父敞字尚文號質菴繇永樂甲申進士授翰林庶吉士余所與纂修四書五經性理通鑑諸書大全歷刑部主事員外郎中轉司封考功至通議大夫禮部左侍郎母葉氏繼母趙氏俱封淑人用欽自



幼失恃英爽卓立父常奇之甫十餘歲爲文詞蔚然追古人宣
德丙午質菴與今吏部尚書富陽趙公新同官吏部趙公見用
欽非常人甚喜而以女歸焉是歲果中順天府鄉試丁未庚戌
連試禮部不偶癸丑又試名在副榜時 朝廷慮俊秀拘于科
額必有遺材命翰林復選得二十四人用欽與焉蒙旨受冠帶
舉人給以官祿俾卒業後後舉 正統丙辰余考禮部會試得士
用欽爲第七人比其 廷對蒙賜進士出身觀政兵部逾年以
父質菴公喪服闋擢禮科給事中時天下亢旱承命祀南海沛
澤斯應任五年爲同官所推薦遷都給事中 朝廷命定國公
徐顯宗持節使蜀行冊封禮簡用欽爲副使正統己巳扈從北

征得疾畱寓中途比還遇 今上嗣統用大臣薦拜禮部右侍郎既而以盜竊發廣東簡用欽巡撫廣東兼治羣盜用欽問以謀語余曰聞楊信民素爲廣民信服若得與瑾偕往盜必聽撫今信民以誑誤謫守邊關奈何予善其計爲力請于 上遂起信民爲左僉都御史以行後信民至廣東民有被脅從爲盜者聞信民至相率來歸者凡數千人孰計用欽竟得疾不起矣時景泰元年閏正月初五日也距其生永樂丁亥七月初一日享年四十有四用欽爲人志剛不肯苟屈奉親極其孝敬雖繼母亦事之如已出父有疾必躬侍湯藥蚤暮不懈親喪葬祭惟謹於禮而不暇節哀痛敬兄愛弟尤得懽心爲給舍多所糾正雖

於平日至親至厚者不爲曲盡苟容人固知其所守多職分所當爲然日以承父志爲心每以長科與大臣議四方所陳之事必視衆論可否有未當於理者力正爭之而四方奏水旱變異有可以示警者則奏之惟恐後嘗厭四方緇流來請牒於禮部衆至數萬乃請定其額數給之此風遂抑其同官有天台徐簡者卒于官妻子俱喪貧不能舉用欽賻助之俾得歸鄉每鄉人病輒爲迎醫具棺及捐俸以資其喪又有衡陽王宣以丁艱倉卒去所畱車馬第宅不能自顧用欽爲總理如已有得直還之不遺纖悉其尚義卒類此使假以年其所造詣施爲殆有莫之能禦者矣而遽止於斯悲夫予不獨悲用欽而悲予所得士如

用欽之有爲而不避忌以徇人者蓋日少也用欽配趙氏有淑
行子男四人曰恩曰忠曰恕曰愈女二人長適吏科給事中長
洲王汝霖次適陳鳳用欽之卒諸子未有在其側者其姻家刑
部員外郎陳金述其平生來請爲銘將以本年十二月二十日
葬用欽于邑稷山之原從先兆也余與用欽父子契厚如此銘
宐不辭銘曰

才於已爲克行於已爲勵學于身爲足嗚呼用欽雖則已矣
我銘其歸賁于永世

素菴公墓表

景泰二年辛未賜進士第朝議大夫國子監祭

酒慈谿陳敬宗

禮部侍郎會稽章公用欽疾終于官戶部尚書兼翰林院學士
陳公循銘其墓以弇諸幽其壻吏科給事中王汝霖與其子恩
以爲未足以顯白于昭昭也乃復請予言銘石墓道以爲不朽
圖公諱瑾用欽其字先通議大夫資治尹禮部左侍郎諱敞字
尚文之仲子也曾大父諱君采大父理以敝貴金贈嘉議大夫
禮部右侍郎曾祖妣孟氏祖妣楊氏金贈淑人用欽母葉氏贈
淑人繼母趙氏封淑人通議先是甲申進士入翰林出爲秋官
主事陸郎中轉吏部春官陞亞卿遊宦兩京之間用欽未嘗暫
離親之左右日淑義方之訓陶鑄令器知識出人年十九舉明

經中順天府鄉試丁未庚戌連試禮部皆不偶用欽磨礮淬礪
文學益以大進正統改元遂中進士高等庚申授禮科給事中
朝廷以時亢旱分命祀南海神誠意昭達雨澤斯應未幾陞
都給事中總攝科務糾舉駁正務協至公人多敬憚時四方緇
流求公牒于京師者數以萬計用欽卽上疏痛加裁抑縉紳偉
之丁卯勅定國公持節往蜀府冊封選用欽爲之副皇恩
宣達臣禮合度簡任得人中外嘉獎凡庶僚陳言必命在庭大
臣與六科會議得失用欽參決可否多所建明巳巳扈駕北
狩以疾不果行今上嗣登大寶賜文綺陞嘉議大夫禮部右
侍郎時廷臣方以嶺徼蠻寇未戢爲議遂推公往撫綏之用欽

喜曰是吾志也且薦叅議楊公信民爲僉都御史偕往瀕行適
疾作不能起矣于乎惜哉公爲人剛正不阿遇事敢言慨然以
直道任衆議不合雖 朝廷大政亦抗論之必歸于正而後已
于僚友故舊或喪貧困之際其用心尤所汲汲其重義又如此
士君子所以望于用欽者蓋不止如是而已也夫何年方四十
有四而終豐其才而嗇其壽天曷故哉雖然予初與通議公爲
同年見用欽自幼而長而壯壯而中鄉舉乙榜尋登進士第未
幾卽入侍從之班而榮擢卿貳之職夫名者陰陽之所忌也用
欽之不永年抑豈其然乎哉雖卿貳之職人固有求之而不得
者先通議爲春官亞卿其子繼爲亞卿父子 元後同官春卿副

二近世以來蓋絕無而僅有者也昔崔挹爲禮部侍郎其子湜爲兵部侍郎同居南省當時以爲自唐以來未臻此美况今章氏父子同官禮部者哉然則用欽雖歿其名則恒昭昭也亦可謂無愧矣是爲表

無別矣其意

及父子同官節節皆然願其為自曹以來未幾也美於今

或只清其願同縣南管當却以為自曹以來未幾也美於今

二世其以來益縣無而對其亦由昔曹以來未幾也美於今

遁菴公金安人合葬墓誌銘

成化十一年丁未賜進士第正奉大夫雲南左

布政山陰薛綱

天地間有正氣人得之而爲剛毅豪傑之才吾以太僕卿章公
遁菴見之公諱瑄字用輝姓章氏系出南唐太傅仔鈞至十傳
始祖添十九府君來居會稽之爵山里遂爲會稽人五世祖諱
斌宋景定二年發解第一人曾祖諱文黼祖諱理俱以敝貴贈
禮部右侍郎父諱效母朱氏皆有潛德公生而凝重穎異甫能
言卽能誦書五六歲時能屬對嬉遊間井間未嘗與羣兒狎八
歲就外傳授以小學語孟諸書旣領大意弱冠屬文操筆立就

取蕪洛關閩之旨以爲準程而上溯孔子孟閔戶講誦至忘寢食
繇是充然成德振動士林宣德六年遭父喪哀毀幾不能生服
闋補郡庠生時叔敞以禮部侍郎預朝政而浙省方大比當道
者趣使就試公辭曰學未至而以門第進身寧不內愧耶竟不
赴積學益深遠而爲文淵涵渟滄不追古名世不已也一時從
遊者衆黌舍不能容其間已有先公登第者而公顧踳躓十年
至正統丁卯始中鄉試又九年至景泰甲戌方登甲榜旣而聞
母喪哀慟感痛幾死復生服闋除兵部職方主事出守山海關
關爲東北重鎮時承平日久先事者多因循不舉職公語僚屬
曰上設北門遣近臣以司管籥可怠弛若是耶卽條奏十餘事

甫月餘浚城隍坼堠築城樓夫役數千人計費鉅萬公皆盡置
有方不數月厥功告成而人不知勞凡爲事不計禍福後府舍
人王延藉勢官掖謀解戍軍每解發百餘人必係累其妻子而
淫虐之發其行囊且盡被害者赴訴于公公以 上聞盡其黨
十餘人置之法痛革其弊遂以原解人送衛迄今以爲定例中
貴人奉御魏榮領神鎗縱所部京校五十餘人假名試習侵關
事諉稱有 聖旨公庶得其實徑劾奏之抵其罪而事竟寢歲
戊寅旱蝗自京師抵山海餓殍千里相望獨遼東頻得歲有司
以糴告守將以邊儲不宐內徙不許公爲奏 請且詔邊將諭
以內外一體之意率從公議所活不可勝計御馬監指揮脫火

亦有寵於

英宗命使朝鮮而無關節公持之不奉 詔脫陰使人馳奏

上震怒差錦衣衛官械繫詣闕下南陽李公賢時爲內相候

天威少霽徐爲之解曰祖宗舊制當爾 上亦曰彼執良是卽

釋公獄遣還之任五年以竣事復 命改武選主事贈父爲職

方主事母朱氏贈安人妻金氏封安人在武選分理新官者七
年選法以從

太祖高皇帝定天下爲舊官從

太宗文皇帝定內難有功爲新官布列禁地當宿衛比比皆新
官恃勢驕橫不能制公攄銓授選法造爲流水冊以次補選無

毫髮牴牾繼事者多守爲定規 英廟上賓命修實錄而兵部
統五軍旃征伐策書浩繁莫究涯際尚書白公圭顧謂僚佐曰
優于文學堪修實錄者無踰章主事奏以公領其事朝披暮閱
積二年撰成實錄百餘卷進之史館咸稱公有良史才是年陞
車駕司郎中適南漳劉千斤謀叛 朝廷遣撫寧侯朱勇總戎
事以尚書白圭副之又擇公往贊之公奉 璽書先行凡餽餉
芻藁甲兵犒賞之需與所過津渡橋梁飛輓漕運之宜公悉綜
理之無遺事比大軍至無畱行總戎者悉所部授公成筭旬月
間破其四十餘砦俘殺萬餘人活脇從者十餘萬二年春旋師
復 命蒙宴勞有白金文綺之賜尚書白公謂僚屬曰章郎中

文學操行固久知之矣不知其能曉暢軍事若是耶在車駕猶多所建革如申嚴宿衛汰冒名丁勇老幼軍千餘人省月糧萬餘石如綜理驛傳其會同館例僉四方富人更代服役譁猾者率百十爲比妄稱指車馬器什告給部符以虐其鄉所得不貲有吉安馬夫王壽生聚白金千餘兩候公暮歸抵于地公繫送法司以去其害是時馬政尤弊三邊一奏缺騎操馬匹而江北之民困于買補公取太僕所掌馬籍考驗其實更其弊政行于四方山東河南并北直隸該補倒死馬匹雖經一赦宥所司拘於歲額頻年比迫民轉流移而馬無實用公奏先倒死每馬四匹共買一疋還官貧民稍得安生一朝廷行之得馬十餘萬

今號四戶馬者是也公性剛直素不畏權勢一日退朝暇寢齋閣中有索傳馬符驗者闕入廳事公遽起命侍者粹之跪而讓之乃西帥房氏子連姻權貴視公府莫能誰何筆責之不敢吐氣明日所親權貴人見公謝過中實銜之會遼東太僕卿缺卽囑當道以公外補物論爲之不平而公幾微見于言面北至遼東舉職不異任京時諸蕃貢馬及境總者徑自俵給諸衛而不屬于太僕得自縱出入爲奸公至卽上聞歲遣寺丞于各邊閱所貢馬以其酋至寺犒賜歲得良馬萬餘匹每與都憲彭公誼接閱之雲錦成羣邊威益壯彭公素與公善凡軍機重務悉以見委而公綜畫井井尤有餘力阻遼水鑿陡崖幾二千里遼

素學校不振又謀諸彭公建學養士擇其可教者教之迄今科
第不乏與夫邊塵不警公皆有力焉成化十年考績天曹將擢
公顯列公以老疾辭 朝廷不允辭之再乃許公卽拂衣東歸
展省丘墓尋舊釣遊處日與鄉先生爲真率會如香山洛社故
事蒼顏白髮橫金曳緋望之者爲神仙中人如是者二十年今
春忽遘一疾而卒卒之時惟叮嚀其子以勤學理家無一語涉
於亂非得於天之正者能若是耶公平生著述甚富有竹莊詩
集藏于家以公之所學所操當得大用以大行其道及補外任
不幸久居散地位止少卿而才不究施遽至乞老以歸賚志以
沒嗚呼惜哉公配安人金氏同邑大族金公女有孝行金公蚤

世安人甫三歲育于母秦旣長擇嫁而得公遂納贅焉公爲郡
庠生母朱氏年高不獲晨夕定省安人朝夕侍養務得其懽心
一日病篤刲肉和糜以進少愈終至不起罄奩具爲殯殮之需
公之兄厚齋四十尚乏嗣欲以公之子慈爲後公許之安人曰
汝兄年尚壯遽以慈嗣之無乃太蚤計乎當爲納側室公從之
果得二子兄夫婦及側室皆故安人撫其遺孤一如已子皆爲
婚娶使有成立公爲主事時迎安人赴任安人以母秦無人奉
養辭不往秦卒喪葬一如姑禮安人性謙抑好施薄於自奉厚
於姻族豐於祭祀賓客又達內外政務身雖不赴任而居家內
助之功自始至終豈少乎哉公再納袁氏京師士族女也公往

來南北得以盡心國事而無內顧之憂者亦有賴焉子男五愷
慈慙恭熹愷郡庠生蚤卒慈舉明經慈利丞金出也慈恭熹袁
出也慈補郡庠生女二長適靖安訓導沈珪次適儒士秦鏗公
生于永樂癸巳卒於弘治壬子得年七十九安人生于永樂丁
酉卒于成化丁未先公卒得年六十七以是年某月某日啓安
人之墓而合葬焉其子慈慙持其自爲狀來乞銘綱服公之剛
腸正氣奇才善政嘗以師事之况與綱父甚善又當以父事之
綱父沒時辱公臨棺致奠哭之盡哀今歿矣銘其敢辭銘曰

嗚呼公生有自正氣浩然旣出有爲無虧其全發爲文章累
牘連篇發爲事業耀後光前初官兵曹卽與兵權出守北門

管籥孔堅贊軍南楚一掃蠻烟晚司馬政雲錦充邊以公才
行台輔當遷一出不復竟賦歸田爰及安人媲美匹賢於母
於姑孝養無徧或賓或祭必豐必虔內助之力終始有焉吁
其歿矣夫後婦先歿雖異時葬則同阡雙璧委地元精歸天
勒銘墜石垂千百年

...

其父夫美... 異... 聖...

公... 養... 禮... 禮...

許... 神... 當... 敬... 出... 小... 與... 貴... 湖... 福... 困... 受... 天... 人... 獻... 美... 西... 得... 祇... 也...

營... 審... 其... 望... 贊... 軍... 南... 伏... 一... 科... 禮... 禮... 淵... 居... 滿... 庭... 學... 施... 亦... 德... 烈... 公... 十...

畏菴公墓誌銘

成化八年壬辰賜進士及第資善大夫兵部尚
書淳安商輅

太僕寺卿前都察院左僉都御史畏菴章公卒其孤德奉司寇
陸公狀來乞銘按狀君諱璠字用成姓章氏世爲會稽衣冠右
族先代履歷備存譜牒六世祖斌中宋景定甲子宏詞科省元
高祖復四有隱德曾祖文黼祖理俱贈嘉議大夫行在禮部右
侍郎祖妣孟氏贈淑人父諱敞字尚文別號質菴中永樂甲申
進士初授翰林庶吉士授刑部主事郎中司封考功仕至通議
大夫禮部左侍郎與修四書五經通鑑諸書大全兩使安南有

却金亭焉前母葉氏母趙氏俱封贈淑人質菴四子長璨瑾葉氏所生次公再次璵趙氏所生瑾用欽正統丙辰進士授禮科都給事中仕至禮部右侍郎公自幼穎敏質菴公最鍾愛之與二兄及弟再從兄太僕寺少卿公瑄字用輝者相友愛講明經義寒暑不廢繇是學成而業精正統丁卯繇制科徵薦初授嘉興府學教授導迪有方諸生化服一時實才端士多出其門天順初考績赴天曹適 朝廷慎選風憲遂擢試山西道監察御史踰年實授間承委巡察光祿督南城兵馬巡捕盜賊防範嚴密奸慝屏跡已而奉 勅清理畿內軍政請托不行宿弊盡革以其公餘遂貪暴廢循良興圯廢學舍抗疏言軍民利害風裁

凜凜官吏震懾天順甲申 今上嗣位詔求直言公條陳十事
皆切時政一日敬天變二曰修武備三日重方面四曰任邊將
五日肅軍政六曰足邊儲七日重人才八曰敦風化九曰疏壅
滯十日恤孤寡疏入 上嘉納之成化乙酉巡按四川誅鋤強
梗伸理冤抑雖邊徼險阻閱歷殆徧威令大行所獲徵應甚多
蜀中士夫及閭閻細民皆稱頌之有繪圖繫詩曰觀風十詠有
作傳記實曰直冤感神錄獻於公皆拒弗受丁亥考滿 皇上
稔聞公名特陞都察院左僉都御史掌院事當時有父子三卿
兄弟三卿之句嘆賞嘖嘖後巡撫陝西行間適太僕寺列卿員
缺畱用拜命焉公以馬爲國家重務夙夜寃心禁革奸弊政用

修舉或歲出督視郡縣孳牧聞有以馬政致疾苦者尤加矜憫
民因感激咸爭辦集繇是力不勞而馬益蕃辛卯夏出按河南
山東事未峻 朝廷陞公太僕寺正卿召進供職命既下而公
遘疾遂以六月十九日卒于臨邑之公館距生永樂庚子八月
二十九日春秋五十有二配李氏華亭叅政李源女封恭人子
男一卽德也女二長適上虞陳叅議讚次未行公訃至所司以
聞 上悼歎特遣官卽其家祭之德舉柩南歸遂卜以成化八
年二月吉日墓于稷山之原附祖贈宗伯適安兆也嗚呼君以
磊落之品通達之才際遇 聖明列官臺寺得以所學見于設
施可謂不負厥志也若復假以年將來功業造于遠大詎可量

乎而乃遽止於此惜哉矧公襟懷坦直與人交開心見誠聞人之善樂于稱道見有不善輒面語之而尤急于濟人之急拯人之危是以卒之日士大夫皆嗟悼焉予重與同鄉因其孤之請遂不辭而爲銘曰

公之先代有顯仕公承家教其來有自歷郡文學進司風紀激濁揚清威行遠邇遷佐太僕裁革奸弊力修厥政用裨國計按行郡縣弗憚勞悴爰陟正卿式待眷倚恩命方及遽疾弗起才未盡施聞者興喟歸窆有銘垂於世世

畏菴公墓表

成化八年壬辰賜進士第通議大夫禮部左侍

郎睂山萬安

太僕卿章君用成故禮部左侍郎質菴公敞之子右侍郎瑾之弟也成化辛卯夏六月庚申卒於山東臨邑縣傳舍距其生永樂庚子八月二十九日春秋五十有二柩至通州其子德將扶南歸卜以成化八年二月吉日葬君于郡稷山之原旣請兵部尚書翰林學士商先生銘其墓矣復屬予文表諸墓上予與君同朝久且相知也諛不可辭按狀君諱璠用成字也其先汴之鉅家自劉晉兵部尚書巖始徙南安至康州刺史及又徙浦城及之孫高州刺史檢校太傅仔鈞其子多顯宦散處他鄉凡五傳至蕭山簿頤因家會稽故今爲會稽人君曾祖諱文黼祖

諱理質菴公既貴皆贈嘉議大夫禮部右侍郎曾祖妣孟氏祖
妣楊氏贈淑人質菴初配葉氏繼趙氏俱封淑人君昴季四瑾
葉出君及璵璵趙出君娶華亭名家女李氏有懿行累封恭人
生子長惠次卽惠女長適上虞士陳瓚次幼在室君在昴季中
獨器宇偉然爲質菴所鍾愛旦夕進則左右致養膝前退則偕
同產兄弟及從兄用輝甚相友愛且性穎敏嗜學 神寒盛暑
無少休歇學成正統丁卯郡大夫舉以應賢良 詔得分教嘉
興郡學君嚴立教條日坐齋中與諸生講解不輟諸生亦樂從
其教抵成才器出爲時用者彬彬相繼天順丁丑秩滿適 朝
廷詔吏部精選風憲君以教有明効掄其材得山東道監察御

史初委刷照光祿寺卷牘及監應天錢穀君悉心其間糾正失
違剷除奸弊深得憲體尋督南城兵馬巡捕約束緊嚴吏卒巡
邏不敢懈終君期盜賊爲屏息及奉 勅清理畿內軍政所至
自軍政外凡聞見有關軍民利害者輒言而興革之前後數十
章上天順甲申 今上踐祚詔求天下直言君首條陳十事其
大略敬天變修武備選邊將肅軍政足邊務重人才敦風俗疏
壅滯恤孤寡皆切時政 上嘉納焉成化乙酉秋 簡命巡按
四川君所歷郡縣首先恤民隱理冤獄罷貪酷旌循良僅八越
月章五十餘上 詔悉從之嘗過龍泉夜宿驛中聞哭聲隱隱
若有伸訴之狀君知非人也諭曰有冤明發爲白之聲卽止平

明果有告歿事者究之乃于驛後得屍罪人始服至合州適大旱齋沐懇禱之大雨隨降人號爲御史雨過新亭旋風突起一大一小繞騶從不散君曰若冤覓當前去吾令人躡汝後風果去至沙丘而止君臨新亭閱獄有父子被害歿者以不得屍獄未具遣人卽風止處掘之得二屍冤遂白松潘蜀絕邊也道甚險又番部悉遡道棲處人往復多被殺虜巡按者未嘗至君曰不一往邊情何繇以知乃窵入其境及見士卒窘甚卽令分番更戍衆皆驩呼厥聲載道見諸番酋卽諭以順逆禍福酋咸感悅趨走車下聽命又聞千戶堯或嘗以計破骨鹿簇生番擒斬三百餘衆威震部落卽狀其跡以聞或得陞指揮僉事至今

受 璽書鎮守松潘爲蜀邊將第一至成都聞荆襄賊首石和

尚率衆寇夔州巴蜀震驚藩臬諸人莫知所措君卽發諸路民兵刻期會夔境北遏之君獨星馳先往石賊謀知君至彼且有備悉遁歸境內晏然丁亥春旋 朝考滿天官卿奏其績最又

君素以才名注在 淵衷超陞都察院僉都御史巡 陝西將

行適太僕少卿員缺因畱補之寺舊官吏夤緣多弊人以爲汚

君至一切禁絕之上下肅然又京師奸黠者往往畜馬貸納多

射民利君執其尤者重懲之以示衆其徒自是斂跡歲出巡歷

郡邑及見因馬事侵漁者必加繩治致貧困者必加矜恤以故

人多畏而愛之馬政漸修孳畜漸盛今年夏往巡山東未幾陞

太僕卿且

召歸供職

命至君病初愈與賀客飲聲懽即日

啓行疾復作至臨邑而卒

上聞訃悼惜

內出文遣官諭祭

士大夫相厚者莫不吊泣僚屬莫不盡傷部民被惠者莫不悲號嗚呼君得人心有若此哉君爲人慷慨樂善而敦義見人有善稱頌之不置見不善面斥之不少貸與人交始終一致初不以貧賤富貴二其心其有貧窘者必捐資濟助有患難者必極力扶持且自少脫略貴美服勤經書以充廣才識故臨事敢爲無少疑滯爲校官能造人才爲風憲能振紀綱爲太僕能修馬政在在著有賢聲使假之以年則將來樹立又可量耶嘗觀古之入官受直者有一行一事之美名必顯諸當時迹必傳諸史

氏用垂於後爲不泯滅以君才識隨所傳事暴著賢名若此使
生丁古時其有不傳之青簡垂至于今爲不泯滅邪特爲紀次
之俾惠惠歸鏡諸石

隘菴公宋孺人合葬墓誌銘

弘治十四年辛酉賜進士第光祿大夫少保兼

太子太保武英殿大學士順德梁儲

會稽古名郡也山水深秀人文蔚起

聖祖開基首以庶常顯

者章尚文宗伯也服宗伯之蔭官中府都事者乃宗伯之少子
諱璵字用孚避世金馬不以功名老今 聖天子改元之十四

年公仲子懃持狀丐銘於予按狀公先世讀書行善五世祖斌

宋景定鄉貢第一人高祖復四魯祖贈嘉議大夫禮部右侍郎

文黼皆以隱德稱大父贈嘉議大夫禮部右侍郎理正學可師

高風莫景大母楊太淑人考卽永樂甲申進士禮部左侍郎敞

再讀中秘兩使南交妣贈淑人葉氏生璨服恩不仕次瑾正統
丙辰進士禮部右侍郎妣封淑人趙氏生璠太僕寺正卿及公
公少敏穎博聞強記有諸舅風尚文先生與用欽用成相望仕
路而公不以貴介驕人謙和自牧履未嘗及都市也弱冠讀書
成均鑿羽秋試上銓部授前職與用成先生同宦京師時趙太
淑人在里公以兄弟宦遊缺侍養因乞歸終太淑人之世不求
榮祿而趙太淑人微有疾則不解衣帶臥起與俱疾愈始各就
寢趙太淑人踰上壽沒後公亦無心朱紫於山水間構別圃曰
天地自廣吾人自隘隘人之病也吾以攻吾病因以適吾性孟
氏云隘與不恭君子不繇吾不能君子吾以全吾隘耳因榜其

楹曰隘菴日與方外諸友往來溪烟嶺月卽景賦詩其樂陶陶也生平疎財仗義凡利濟人物事難枚舉橋梁道路梵氏之宮多所修構賦性慷慨士不遠千里來交每曰人生無朋友未稱完倫故凡與公交者無不性命肝膽自許如飲醇醴如登春臺焉晚好讀黃老諸書妾媵弗御借黃冠講攝生之術不服金石而吐納經伸其效常可數日不食不寐居常不飲酒對客懽宴丙夜不醉坐中或箕踞脫幘公不爲亂好施與有貧不能爨者給之窶不能婚者助之別圃之側多盜覲公之藏焚廬以劫而居民皆被公之澤者環起而執盜公曰吾之謾藏也寬之居鄉三十餘年兄弟子侄多在要途足未嘗履郡邑之庭以事干有

司亦未嘗以尺幅通縉紳以邀冠蓋大略器宇高凝神情疎曠不拘拘逡步亦不屑屑瑣務也是以士大夫欲通一刺而不易小民頌其至德而不衰易簣之辰無有疾也數日前與客啖楊梅相與賦詩公有海山舊種桃應熟正是丹成鈔九還之句微笑對客曰此識也越日召子孫詣膝遡祖父世德各有訓誨正席而逝先有壽藏管於里之白塔山卽別圃之側也因以歸厝焉公生于永樂二十二年十一月初九日丑時卒于弘治十三年五月二十三日酉時享年七十七歲元配宋郡名家女合窆焉丈夫子三憲愚愛女一適紹興衛指揮使白鉷孫十二人梅棣梗杭楠楹橋槁檳棣榛林嗟夫公抱珪璋之器生闕闕之家

甫膺奉檄之喜旋有舞彩之娛置功名於度外渺爵祿於浮雲
而尊生養性以還其本來豈非古之得道善全者哉爰爲之銘

曰

千巖峩峩萬壑洋洋遠彼埤薄築斯明堂夷嶮簡兮曉晴集
臧泌澗宛函崱崿委長窆茲赤螭彷彿爾白羊昌明雲來履社
無疆

無題

此篇所載... 羊昌... 雲...

于... 雲... 雲... 雲...

日

此篇... 雲... 雲... 雲...

此篇... 雲... 雲... 雲...

稷峯公徐孺人董孺人合葬墓誌銘

萬曆四十年壬子賜進士第徵仕郎行人司行人山陰劉宗周

予先外祖以經術行誼推重海內學者稱爲南洲先生蚤從族兄東僊公稷峯公遊才名辟易呼章氏三傑二公先後成進士去而先生卒老于行其自許二公爲窮交自藝文外尤以道義相成始終弗替先生晚年輒呼予小子談平生縷縷足述也稷峯公于戊子春預囑先生曰知我者弟也異日之狀非子而誰先生許諾憶先生作狀時予方齡年受學每事筆札必命脫稿距今二十餘年公仲子持狀來請墓中之石而先生沒且八年

許手澤依然能無感愴予雖非其任猶竊以終齡年之役也按
狀公系出福之浦城全城練氏之後子孫以陰德顯于宋隨駕
渡臨安散處三吳兩浙間其卜居會稽偁山則自添十九公始
凡十二傳及公自宋歷元暨我明興二百年甲科相望族指
萬人稱東越世家公父諱民服號東山以公貴贈大理寺評事
母徐贈孺人遡而上曰某某則祖父曾高也東山四子其季
爲公公生而穎異不凡十歲能屬文爲東山奇鍾十三受業于
從兄孝廉東稷東稷許賞不置口曰他日當退舍避之則已斬
然露頭角矣辛卯丁東山憂甲午補郡庠生乙未同先外祖及
東偁會課于柴塢山三人遂稱莫逆文曰奇東稷諸孝廉輩果

不敢以雁行進而公尤深造自得肆筆成章出入秦漢韓蘓間
爲學者歛衽無何東僞脫穎公獨與先外祖久困諸生中而視
外祖尤甚自丁酉觀場後連擯有司落魄垂二十年家日貧齒
日邁從遊日謝而自負日益竒日世必有知予者已未始發憤
遊京師假籍更名補順天生員尋爲督學趙方泉識拔聲名蔚
起驚動館閣甲子遂登解額第一人成戊辰進士年已五十七
矣方公舉順天北人飛章攻詭籍會華亭當國偉其文進呈請
御裁 肅皇帝嘉之破格完之華亭者舊督浙學政進公膠庠
知公曲爲公地遂荷 先皇帝特簡蓋異數也釋褐授大理評
事晉禮部歷精膳郎出爲江西叅議司督儲公才識警敏遇事

立辦所至輒稱其官凡十年拂衣歸里中又十年以壽終于家
凡人困阨不極則不奮彼蒼于豪傑大受之士所爲苦心勞形
非一日而玉成之有如此者公之爲諸生也嘗客遊雲間有富
家楊以馴善聞會構訪當道屬之邑丞丞以給舍左遷于公爲
梓里公偶會丞所言及之輒爲解焉事竟寢公去楊知其故走
金三十鎰爲謝公却之更倍以進終不受曰辯爾誣義也終之
以利初心之謂何楊感嘆而去後楊子九華貴締爲世講公旣
貴又無事小廉曲謹寬然長者初出華亭之門繼更鄭州繼又
館于江陵爲諸子授經不以爲浼也華亭去鄭州代其後公見
鄭州爲白華亭事侃侃不挫鄭州恚曰子獨不諱華亭耶公曰

非某誰敢白華亭者鄭州義之江陵秉軸方初政未底于壞公處以離合之間放意自若而論及國家事匡救居多類皆引大體持長厚切中江陵膏肓如齊魯開河之議罷犯禁連引之議寬蘓松大水之議蠲賑幾得其首肯而心實厭之卒相矛盾出之外藩假星變例左遷以去江陵敗公卒不罹清議人顛占其大節云公性孝友早違東山徐孺人有孟母風公體其志勉承其訓家貧授徒資館穀以養不違其歡比喪哀毀幾絕而皆以不及祿養爲痛伯兄蚤世事仲兄叔兄怡怡友愛垂白無間言嘉靖癸甲間連大褻二兄坐困公曰有弟在忍遺同氣餒耶出所餘束金益以稱貸而餽粥共之衆遂濟姊蚤寡撫其孤恤其

婚喪尤力任婦寡而貧以姑老誓守贍之以完其節宗黨告急輒應之不責其報捐貲新祠宇助蒸嘗之禮其內行雅足法也公德度深遠脫畧苛細喜恢諧赴機如響與人油油然濶恩怨報施之情岸憤垢衣人莫測其涯涘輒呼之曰愚公乃不愚以公之才宜大有所建立顧蚤見遄歸不必盡窵于用而有以自完卒享令終之福蓋有明哲保身之道焉嗚呼如公者可謂克全于其天矣公初名紹更名禮字約之稷峯其別號生于正德壬申九月廿八日亥時卒于萬曆戊子十一月十三日酉時享年七十有七娶徐氏贈孺人生庠生美繼董氏封孺人生國子生英女二適張給舍仲子應桂一適城中陳上舍子述美娶杜氏

生國子生懷德英娶王氏生懷仁繼董氏生懷謹允國懷德娶
袁氏生黼繼倪氏生黻日輝壬子十一月廿五日以二孺人合
葬上陳浸漙予生也晚不及悉公生平姑摠狀如右愧于先外
祖無能爲役先外祖且爲予言柴塢之會藿粥畫斷不減長白
宰相與有成公屢試屢北且老矣先外祖不以爲病日子終必
遇公之北上也先外祖實促之公猶豫先外祖謬激之曰所不
能決者徒以閨中繫耶丈夫之謂何遂行他日公讀書勞苦得
心疾遡金華久之有甦乃返鄉人謗之坐以他故先外祖每從
士大夫力洗竟得白公貴先外祖猶偃蹇諸生踪跡相失旣罷
官先外祖亦罷諸生爲聚首如初先外祖每有所不可輒面折

曰爾忘貧賤之日乎公爲改容曰知我之誼深矣語云觀人于其所友君子益以是知公也

銘曰嶢嶢易缺皎皎易蒙允矣君子令德永終大智若愚至和掩恭援止而止委蛇羣公色斯舉矣羅者冥鴻千金之介不違固窮展禽曰惠老氏猶龍我徵百世長者遺風

千巖公墓誌銘

萬曆四十一年癸丑賜進士第光祿大夫上柱
國太子太傅建極殿大學士四明沈一貫

歲丁未余致政南還蓋祖唐秘監吾鄉賀公知章乞歸四明意
也於時宮寮諸大夫相攜餞吾於青門者濟濟盛而千巖章公
實爲僑盼至分岐不覺歎曰嗟吁此五斗長安名薰利炙誰復
向北中作勇退與吾同志也乃未踰兩載而公亦以西省兼符
卿職假差歸休於鑑湖之墅鑑湖環八百里於吾四明亦得
一曲焉公歸以扁舟過余每浮白輒促膝談平生歡無異在省
日兩人意甚洽也乃公返棹不數月而以訃聞余是以不無失

我良友之痛無何束芻赴弔而適當公舉殯時諸藐孤以公素善余遂屬余爲誌銘余又以與公善故弗獲辭因唯唯余惟公諱伯輝字仲光千巖其別號聞其先出自唐高州刺史諱仔鈞者偕妻渤海郡君練氏繇閩遷處之龍泉家焉迨後以十五子貴分布東南而第六子仁郁之裔卜居會稽緣是今道墟有章氏實肇此自唐徂宋迄我明皇帝御世初冠蓋鱗鱗已不可更僕數迨後爨益繁而甲第益爲蒸蔚識者以此爲東南之鼎族云公生而神明秀發方少攻舉子業輒青雲自許已而屢鯁有司弗售每唏噓謂大丈夫負弧矢志將挾策請纓惟吾意所之奈何齷齪向片楮皺眉耶用是棄去以宏詞博學及鍾王諸

書法從若耶渡淮濟上金臺一觀今 皇帝闕下覬若有所藉
以進身使一展胸中之奇以自慰也未幾 世廟開西省試公
一入而獲儁如同探囊都人士嘖嘖於公之善奪人鳳凰池也
謂是天之開公與不負公之自砥噫亦榮已公自釋褐後凡五
十有載繇清秩晉陟至卿貳前後歷 三朝凡所爲掌絲綸飛
翰墨往來垣掖間如珪璋璧玉從不聞開纖瑕以戾厥職者總
公忠勤之念篤以朴茂之忱俊逸之才運以周慎之識而卒能
俾皇心簡在不愆通顯之疊酬榮封之屢錫也夫豈倖以致之
哉公在垣預修會典者一修國史玉牒者一以至傳臚預宴又
無慮十數舉而後知禁廬之直最久惟公最親幸亦莫如公卽

異時名輩若黃永嘉殿學沈華亭翰撰姜瑞安岡卿何信陽學
憲以至長州之陸符卿嘉定之徐宗伯從化之黎叅藩公直與
之相頡頏奚啻今樸遯諸輩而已耶公自投簪爲鑑湖長置一
切家務不問日夕惟怡神靜養興到亦每攜琴載酒出入岩壑
間尋芳選勝綽如也更所儲俸金內以周其昆弟猶子而外以
惠其窮交且不寧惟是以其羸新家廟使榱桷之危聳與几筵
之丹碧而愈知公所爲又不徒爲子孫潤囊橐美田園計者矣
公自高曾來積德累善至大父滄川公洎父叅山公亦世濟其
美以故遺澤迨公而亢宗拔族爲時首稱蓋雖公之自砥哉天
實有以開公矣公巔未具所撰行狀甚詳予所誌特大略也敢

謂盡公之萬一哉公生嘉靖之辛亥卒於萬曆之庚戌享年七十有二配馬氏繼娶艾氏俱封宜人又娶一楊氏一韓氏生子三生女三長子履泰出於韓娶三江陝西方伯墨池王公嫡孫女仲子履恒季子履謙俱出自楊一聘吳淞鄉進士國子監監丞星寰馬公女一聘貫巷刑部主政周堂魯公嫡孫女女二出於艾長適州判臯部越山沈公男照磨應佐次適禮部主政暨陽倣初傳公男廩生列張最幼出於楊許督學使山陰內山張公孫汝樂噫公今捐館逝矣是歲仲冬公諸藐孤爲卜兆葬公於郡城西之林頭塢川原秀鬱真佳城哉是真可以藏公矣余以公之藏也誌竟復爲之銘銘曰

昔人有言粟鼎於山不買長年金高於斗不鑄白首而是令
聞垂垂不朽吁嗟千巖萬壑同久庇茲松楸式昌厥後

西軒公墓表銘

嘉靖十三年甲午賜進士第亞中大夫南京太僕寺卿山陰劉棟

嘉靖己丑冬予弟柱來訃湖藩曰吾舅氏章西軒公亾之矣願請誌焉歲壬辰繇湖藩轄汴始哭公墓室尚未窆而今來滁予弟復走告曰西軒已懸窆矣欲易誌爲碑乃持卮山葛大叅公狀曰願勿辭願勿辭嗚呼章姓蕃衍世居會稽徧山者乃宋景定甲子科省元斌之後也斌生復四復四生文黼文黼生理理生敏敏生珙珙生愷愷生公凡八世矣公諱槩字世衡別號西軒夫自省元以降有贈禮部侍郎者爲公高祖有贈太僕寺丞

者於公爲祖有贈南京陝西道監察御史者則又公之父別號芝室也妣王氏山陰人右都御史暹之女以公貴贈孺人公幼岐嶷長魁梧以易學從願菴董公門授科舉業蜚聲郡庠弘治戊午始領鄉薦正德戊辰登呂柟榜進士比逆瑾當事人咸以言爲諱公以老成謹飭釋褐卽選陝西道監察御史官南京侃侃自負言責南京大小衙門并郊祀以下事及簿書期會應于御史糾視者乃舊制也公按舊制鉅細剖決公私不敢廢又權水署屯二差每爲豪猾兼及里書欺詭推避不任事公曰吾以次裁損之何慮於是釐革蠹政豪猾不得肆而課稅如額乃知公之練達有條如此乙亥歲以御史考最丙子擢四川夔州府

知府夔爲蜀之東路連界荆楚夔本三峽上流山多盤旋易藏
匿公莅任恐生他事卽招揀流移願入籍者聽後值凶寇作耗
按籍數之曰此等皆復業者遂置不問有鰥嫠孤獨丐乞難存
者發粟量周濟之以故夔民始知有賴 朝廷採辦大木必于
岷楚二省所需況蜀道尤苦綱解夔郡有吏守解此木倅爲風
水飄逸乃哀告曰願得百金可償否則有歿而已雖鬻子何償
公爲之號令丁夫收合餘散而解額不虧故解吏與子得全活
權闖受 勅往焉斯藏境內迎佛子凡北來郵卒莫不走匿稍
避聲勢公先戒驛吏曰此輩不過欲多陷耳慎勿苦羈當如其
計借之數闖人到夔果不敢需索殊覺聲勢寂寂自夔以西悉

遵公之規畫焉守三載百姓稱弗擾然喜樂育人材其於古人
讀書法程親爲講解務俾領略而後已一切權勢莫知依倚人
謂公簡伉多忤而公自守不變常曰官至刺史亦尊矣高尚丘
園何不可正德己卯果幡然家食遇鄉飲酒禮請大賓位一赴
卽止其餘闔門養晦而已公之大母王具有女德歸芝室公稱
內助芝室蚤卒西軒奉大母甚謹每朝夕俟顏色稍不豫必詢
察曰得無少拂志耶長兄材官鄱陽縣學訓導資性高邁公禮
事如父歉然不敢當席弟和性敏達公曰汝資易讀書且督耕
以慰我芝室公於九泉配沈氏贈孺人者同縣望族女與姑母
合德孺人之母劉予族祖姑也初爲孺人擇偶旣得西軒喜曰

吾有壻矣自是歸西軒惟勤惟儉家益昌熾先西軒卒嗚呼公
之檢身律家孝愛無間謂非天性而能若是及行事類多尚義
先是都憲王公刻像祠堂厥後子孫貧不能存公曰室廬可爲
他人有肖像則不可奮然損金爲存其祠若恤貧貸棺修橋平
塗以濟人急者種種難計大率以仁存心故於人無甚怨多稱
之爲寬厚長者公生子四人長元勲次元蒸太學生次元炆王
府典膳又次元杰側室杜所出女二人閨瑛閨琇長適平原尹
張元恕少保恭僖公子次卽予弟柱馬孫男七延壽延年延爵
俱庠生其延賞延平延耕延讀尚幼孫女四良玉愛玉瑞玉慶
玉良玉適太學生金堦瑞玉適沈鈿愛玉適張一敬平原尹繼

室子慶玉納聘司空公次孫何景星曾孫男五人曾孫女一人
距生景泰辛未三月九日享年七十有九卒於嘉靖己丑十一
月七日也嗚呼若公者庶幾無憾也已觀疾革之際元勳等泣
告曰我輩視杰弟猶吾父也則元勳之爲子亦可謂無憾也公
目可瞑棟與公同舉於鄉同遊太學年倍以長視公若尊行然
而公未嘗以尊自處若謙厚周慎又公所獨至於人之黑白是
非未嘗不了了則公之行事比比可書者予安得不爲公喜之
其可使泯沒不傳也謹按狀次第之以此銘曰

大江以南章姓蕃衍種德先世隨寓厥顯會稽偁山省元道

居乃耕乃讀乃拓室廬三傳二卿玉佩瓊琚甲科繼繼拔茅

連茹粵公篤生延祚八世福澤漫覃旁敷泝泝如木挺枝如
果含蒂勿戕而萎秀實美麗公初釋褐適當言諱言多勿售
去如擁卉擢公南臺堅秉義氣侃侃正詞風聲鼎沸五載遷
夔白帝城高公屏翰之如土沃膏岷峨導江三峽波濤往來
賴公大艚小舸公守于夔曷知有公考槃之阿民思無窮矧
公德政勿求人知根心孝友天獨眷斯嗟嗟皇甫建號芝室
太母曰王內政秩秩天奪芝室有離其匹公奉太母兢如履
漆捐金存祠用慰母心憲臺赫奕安假於今倬哉番陽尊有
父道公祇承之庭訓永保嗟公令子亦督爾愛公寔感之矢
言弗背人亦有言子姓爲福于公于旋碧梧翠竹公之歸來

庭鬱三槐天弗憇公大耋其乖胡錫壽考七十有九可謂令
終孰出其右峩峩秦望佳城乃築勿誌于幽爰揭山麓我忝
史臣筆不能禿何以禪之再書天祿

慎齋公墓誌銘

成化九年癸巳賜進士第奉直大夫翰林院侍
讀學士雲間錢溥

成化癸巳夏五月一日知高唐州事章君用純以疾卒于官其
孤泰衡等扶柩歸葬而衡奉山東右方伯王君民望之狀踵予
門且拜且泣致用純屬續之言以埋銘爲託予念天順中用純
會試京師過予寓館出其姻契予友韓君德盛之書於時始接
用純目其貌耳其言知爲器識宏遠之士也予深敬愛之自予
改官嶺南優閒故里與用純不相見者幾十稔前歲德盛來雲
間知其有州守之拜良用爲慰詎意遽止於斯也耶銘其可辭

按狀君世家越之會稽曾大父諱性大父諱澂考諱昱皆讀書
尚義潛德弗庸母徐氏君諱以誠字用純自幼性穎敏質奇秀
會稽章爲詎族而用純翹然爲之表鄉人長老見者期待迥異
常兒弱冠入郡學爲弟子員景泰癸酉以禮經領薦於鄉南宮
之試屢辟乙榜歲己丑之夏遂有高唐之命而齊魯數年以來
災旱相仍餓殍載道君憂勤夙夜寢膳靡遑惟以救荒活民爲
務多獲全濟之功在職踰三載政有未平者平之枉有未直者
直之豪強者懲之善良者勸之其於學校之興舉孤老之存恤
尤惓惓也是以撫按藩臬諸公咸曰使山東郡邑之守令皆得
如章知州者則疲瘵庶幾瘳乎都憲牟公以其政績 上聞將

加旌擢而君疾革矣臨歿無他語惟以母夫人在堂年垂八袞
不克終養爲恨嗚呼惜哉君生於宣德庚戌正月十四日享年
四十有四性善吟咏而於古選尤工有慎齋集若干卷藏于家
配宐人何氏廣西布政使何瑄之女儉勤淑懿允相於君子男
二長曰文泰次卽文衡皆克有立女二長適同邑胡憲幼在室
孫男三曰涇曰濟曰浚泰等卜以是年十二月庚申葬於古虞
蒿山之原銘曰

楨楠之材梁棟所需騏驥逸足方騁于時材未卒用足未遠
馳云胡一疾遽止於斯念于往昔相好相知千古幽室勒此

銘詩

與天... 我... 王... 古...

...

...

...

...

...

...

...

...

竹渠公俞宐人合葬墓誌銘

崇禎六年癸酉賜進士第通議大夫順天府府

尹山陰劉宗周

嘉隆間會稽章氏聯蟬起科第者六七公而雙渠公竹渠公從兄弟也其人皆有遠韻非一切羶情勢利者比故一則以部郎中廢一則以州刺解組並杜門掃却怡情山水間數十年以老竹渠公尤擅風雅之業所著思魯齋集若干卷鄉之縉紳先生序而傳之至今行于世則公歿已五十年昔人謂死而不朽以言立者公其近之乎宗周固章之所自出于公爲外祖行恨生也晚不及事公一日其嗣孫冠手序公狀而問志於余且贅以

遺稿余乃得次第卒業想見公之爲人焉公詩長于選體而得意處在和陶諸篇其和時運篇曰活活清流脫纓可濯蠹蠹蒼山舉目可矚佳景無窮賞心易足班荆坐飲物我同樂又曰旋自東郊憩我茅廬足雖倦矣心實宴如宜尼歎與點獨先予一時托興有古狂士風姑借彭澤以自況而意若有不止于彭澤者此其命集指也他如和遊斜川曰露凝衆芳落日入群動休人苦不知止輕身事浪遊和飲酒篇曰醉醒自有時一悟須脫穎醉翁不在酒斯言婉而炳其和雜詩曰狗祿如涉江探道如登嶺就岸始爲安陟巔方覩景曝日豈不暄日入依然冷莫矜一蹴功須悟前途永月彈有遠音燭照無寧影何事離本根徒

隨轉蓬騁一飽不須多群動制以靜又次雲門曰湖興移月艇
山踪入雲林湖山如有待雲月本無心繫艇月還在臥林雲更
深難窮野遊趣靜奏丘中琴皆翩翩逸興與昔人競爽近體不
屑瑟求工而意指近疋公自中歲謝事歸始爲詩每于五更枕
上默誦古漢魏詩數卷興至攜朋舉酌或獨酌欣然放歌一切
戶外事鮮有以易其慮者獨與上虞山人葛公旦爲倡和友時
時相過從已而嗣君孟嘉亦工詩父子間又自相倡和並條然
有塵外之想一時詫爲嘉事而孟嘉詩踈馳自放多不逮乃公
簡押故自稱爲天籟云始公弱冠補諸生年二十四以春秋舉
嘉靖甲午鄉試七上公車不售謁選爲羅源知縣再陞真定府

通判三擢江西寧州知州所至有惠政去羅源二十年人猶立石頌德公爲人溫夷簡曠大都如其詩故其居官落落少俯仰卒爲舍沙以去晚年陶情詩酒間解地深微居然揖魯狂之堂抑亦聖門之所思也公諱秉中字性之竹渠其別號卒年八十一時爲萬曆辛卯七月二十六日距生之年爲正德辛未十月二十四日考曰汴任建昌縣主簿妣王氏祖文泰曾祖以誠任高唐州知州公之生也王夢高唐公南向坐廳事旣寤生公卒步武焉配俞宐人夙嫻閨訓動履肅然見者皆爲改容綜攝家務條理井井而復不厭乞假每喜施予爲生孫之祝故鄉黨有急難者公與孟嘉咸得盡所欲赴生於正德癸酉十一月十八

日卒于萬曆壬午十月二十二日享年七十生一子二女子卽
孟嘉女長適張仕脩縣學生次適何繼高以進士歷官叅政孟
嘉諱啓謨別號太元能以孝事其親二尊人嘗寢疾必衣不解
帶以侍湯藥蚤工舉子業課南雍累得首選有聲于時數奇且
苦肺病故歷試不售卽飄然棄去雅好賓客所交皆一時名流
如徐文長董思白輩其爲人高視濶步不可一世晚選藩司首
領方待詔而卒于京年五十六生于嘉靖庚子五月十三日卒
于萬曆乙未十二月初八日配尚書石湖何公孫武定同知桂
林公女生于嘉靖癸卯九月二十六日卒于萬曆戊子六月十
七日側劉氏金氏羅氏劉生一子卽冠一女名德安適知府雲

石沈公子偁寤太學生初孟嘉艱於嗣旣生冠何字之如已出
迨孟嘉之卒也冠甫十齡而何已蚤謝世使冠卒有成立者劉
等三慈母力也里人嘖嘖稱女丈夫云冠以太學生授長蘆鹽
運司知事歸亦工詩傳其世業娶少卿信吾薛公孫女生二子
孫廣孫庶廣娶陳氏生子統源庶聘楊氏孟嘉始葬公于鑄浦
山施家嶼之陽以俞宐人合後冠復葬孟嘉于公穴之右以何
孺人合茲崇禎壬申七月十有三日冠用日者言改葬公于原
圩之上并改祔孟嘉而又以金氏祔其側劉羅二穴相去稍遠
從故圩也銘曰

奕奕高唐華表連雲感夢來裔是祖是孫兢奐流芳亦有季

昆乃季者何古之逸民三仕州郡不辱其身蹇蹇羅源時揚
海氛以征以繕拮据宵晨百年保障去久逾新已倅三輔中
外交訖未皇六師先詰兵戎肅清苻萑買犢歸農晉而江右
勞勩是酬秉心維一敷政優游乘以貝錦公則在遊慨焉懷
歸東臯西疇眷眷良晨交交好求行行仙島泛泛芳洲以琴
以書以倡以醕以忘難老以消百憂緬懷狂簡彭澤其次如
琴如張進而論世非魯之思其心則似無懷葛天解得其意
百年高風邈矣難嗣有其嗣之霏霏手澤一傳再傳珠璣拱
璧鑄浦之陽列仙是宅出谷遷喬有梓翼翼亦有闔儀葛藟
冰蘖後千百年徵公遐則媿我勒銘高文典冊

...

...

...

...

...

...

...

...

...

...

萃臺公宋孺人合葬墓誌銘

崇禎六年癸酉賜進士第通議大夫順天府府尹外甥山陰劉宗周

先慈太淑人同胞者舅氏二人獨仲舅以科名顯雖官止縣令事業不盡表當世而人品自是褒然卽章氏稱多賢指不數屈也旣沒而行實不傳無以示來禩三十年于今宗周渭陽之眷耿耿于心會姪姆宋孺人繼歿將改卜吉壤以合葬而宗周乃敢任其墓中之役私念知舅氏者莫如甥也志曰章公諱爲漢字子清別號萃臺章爲會稽望族自始祖開基凡十三傳而及我外大父南洲先生先生經術行諡冠冕士林詳宗周所著傳

中配外大母楊氏生公公生而沉潛寡言笑自少德器端凝識者咸以遠大期之先生英偉岸立氣兀兀上人而公退然身口如不勝一味收斂善下父子間自相師友先生嘗曰吾兒有聖賢之質吾所不逮惜未嘗學問耳然公自少服先生型範口無過言身無訾行卽處心積慮動質前脩鮮有不合于道者而居家孝友尤著他不具論卽宗周以遺腹稱孤太淑人立孤難于殉歿致煩楊夫人日夜絮泣公承二人志亟携養母子于家視宗周推濕就燥以往饑而食寒而衣稍長入塾從師又長而昏及遣嫁吾姊無不先二人志一一以身任猶記公司教壽昌時宗周從先生五年中凡三往壽昌讀書費宮公初命宗周榻管

爲文閱之數點頭已謂宋孺人曰甥兒佳器也乃父爲不亡矣
及公所習雉羔之業每脫稿必命宗周繕書若在官簡牘亦時
時書之時宗周年十四五日受經先生而侍公如父忘其身之
去太淑人膝下也其後不數年宗周登賢書公從廣西官舍聞
捷音爲之狂喜尋卒于官宗周自此不得見公迄于今日當世
苟有知宗周者則必知公立孤之德爾爾嘆謂不可及云公少
苦讀書致危疾幾廢舉業旣長而瘥卒業年二十三補郡諸生
又十年以易舉萬曆壬午鄉試與計偕明年下筆尋丁楊夫人
憂已丑再上春官中乙榜署壽昌儒學教諭公與諸生橫經
講藝諸生輻輳如家人壬辰上春官又挫明年擢知河南永寧

縣時中州大饑 天子廷遣都御史齊內帑金錢行賑都御史

督責諸郡縣長吏頗厲時時有落綬去者公焦勞備至首捐俸

爲所屬倡富民應之得金錢子粒若干又因事設處爲賑法甚

備而境內民賴以蘓都御史考公稱職明年災減公又創立義

倉多儲粟爲經久計民恃以無恐公爲政不務赫赫名獨以仁

心爲質行其撫綏積久而民德之戴之如慈母公乃退而自喜

曰吾平生已見一斑居二年其族叔守誠來憲中州例當引避

公去任民遮道留不得多繪像以祀者乃調廣西之北流其地

狃民雜處盜賊出沒爲患前事者率庸流搪抵旦夕以去公至

首議保民六事一曰講鄉約二曰興學政三曰立社師四曰訓

卒伍五日革里甲六日禁暴露皆切中地方利弊民大悅無何
隣邑昭平徭作亂所至屠虜莫當一日以三千人向北流適監
司朱東光行部至計無所出以問公公曰是不難使君疾馳一
驍騎以先聲布曰兵巡某悉起各縣兵會勦賊矣某隘伏某兵
某衝伏某兵賊當自退朱如其言賊果退朱大奇公薦公當路
間在北流期年積前任報滿偶勘事隣縣途中寒歸而疾作遂
不起邑人哀之時萬曆戊戌十二月五日也距生嘉靖己酉享
年五十及襯歸行李瀟然先是公在官先生數移書以循古吏
望公勅公無爲子孫計公報曰兒固計不出此也其家學相砥
礪如此赴北流時圖迎養先生而不果至是臨終獨以不得見

先生爲恨先生撫棺一慟曰兒已不負所學雖死何恨公始娶
王氏天繼胡氏又天再繼宋孺人生四子二女宋孺人性剛明
理家井井教諸子自幼而長動有法度故諸子皆克世其家公
之歿也子女相繼襁褓迄于成立則孺人三十年拮据彌劬矣
孺人生隆慶丁卯卒天啓丙寅享年六十子熨然燦然鳳竹鳳
梧女長適沈祖誠庠生次適謝福徵太學生熨然娶林氏側一
子昌國燦然郡庠生娶羅氏四子觀國充國化國祚國鳳竹邑
庠生娶周氏二女一字秦一字宋繼王氏三子新國正國愛國
一女未字側一子相國鳳梧邑庠生娶王氏一子榮國二女未
字熨然燦然後先早卒宗人惜之卜兆曰
之里而葬期

有待預爲之銘銘曰

祿位名壽不踰中人而德則豐學問文章不媿過庭歟施且
鴻鳴棐之韻清白吏之風遺爾子孫傳之無窮嗚呼永
同穴之宮

爾

[Faint bleed-through text from the reverse side of the page, including characters like 宗, 祖, 考, 妣, 公, 母, 弟, 兄, 子, 孫, 弟, 兄, 子, 孫, 弟, 兄, 子, 孫]

皇明徵士印臺章公墓誌銘

余少孤養于外家年十七從塾師假館于印臺公于公中表
行而公已儼然前輩不敢進而論覲席交間聆其言論風采
未嘗不望以爲天下長者旣謝去漸遠外家稍自踈于公而
公名德日醞積而施于鄉余過母黨詢人物無不首屈指公
者無何公遂以仲子黻委禽余女益習公平生及公歿而公
諸子手持公狀以乞余隧道之銘余不能辭也謹爲誌曰公
章氏諱懷德字天成別號卽印臺世家會稽偃山里偃山之
章世有令人科名爵位炳朗三朝而以隱德耀者亦代不乏
人于今則推徵君矣始公以諸生進胄監需選人日久因母

杜安人老謝去晚繇廷臣應

詔薦公有治郡材被徵復不起終老于家故稱徵君云公考曰
靜齋公早世公則進承其大父少叅公脩趨庭之業顧不屑
屑章句而惟謹身飭行以敦儒風期不墮少叅公箕裘而已
少叅公宦橐不踰中人公力佐以儉約且耕且讀晝夜瞿瞿
以漸衍清白之緒迨少叅公歿而公竟起家至素封余每見
近世士大夫以墨著者輒不及一傳而敗少叅公子子孫無
厚遺而獨能取償于後日益世德相仍服禮秉度之效非徒
居積致然也少叅公繼娶董夫人生子英少公十齡而公事
之自少如嚴父析產之日惟董夫人指已又掖英起家行業

與公埒世以爲難又推以及里黨貧乏者多待公舉火然與
必當阨諾必稱情絕無沾沾市恩意公德度寬和與人無競
而中實介然不爽涇渭與之謀必罄情慤動鮮敗績論事有
遠識徃徃片言而決故人皆不忍欺公亦不能售以欺也卽
子錢家有負公者公視其力不任輒焚券而已以是公終身
不投牒官府雖處豐腴門庭間如嘗于元旦啓門獲盜者卽
其逋佃客也跪而請曰久負公德故自縛來謝耳公曰勞苦
爾亟飲之酒而遣之命佃如故其好行其德多類是或方之
陳弓仲夫公雖章句儒生守耕桑之業以事以育聲施不越
闔閭而寬足以得衆明足以知人廉足以鎮物慎足以當機

倘得筦郡邑符一展其經濟其聲施豈遂遜龔黃漢世得人
多取之孝弟力田賢良方正諸科公實無媿焉遭際

聖明赫然中興至欲罷科舉行古初制洪永之際于斯爲盛而
公竟以碩隱終蓋是時公年已老矣同時海內被徵者若而
人輒續食公車而功名多不顯致以虛聲詬處士竟格薦舉
行科舉如故人多思公者臨沒謂諸子曰古人積德如耳鳴
自聞近名何爲又曰信吾初心卽是善行有意爲善喪厥善
斯余所謂天下長者也公內行尤醇備詳載章爰發所爲傳
中公生于嘉靖癸亥三月十九日 時卒于崇禎丁丑十一

月初六日 時享年七十有五以戊寅二月初八日舉塋于

山陰木柵初娶袁氏生子黼太學生繼倪氏生子黻日輝俱
郡庠生婚嫁皆士族少叅公諱禮世所稱稷峯先生以經術
盛鳴海內者也系之銘

銘曰信爾心成爾行積爾德韜爾名耳薨薨達帝廷月旦孚
賢良徵公不起薄樊英吁嗟乎士以徵重兮抑還以上輕後
有作者式公平生

詩

崇禎歲在壬午之夏

賜同進士出身原任嘉議大夫工部左侍郎今奉

詔起吏部左侍郎表弟劉宗周頓首拜撰

山陰縣志卷之四

山陰縣志卷之四

山陰縣志卷之四

山陰縣志卷之四

山陰縣志卷之四

山陰縣志卷之四

山陰縣志卷之四

山陰縣志卷之四

山陰縣志卷之四

山陰縣志卷之四

印臺先生之桂蘭奕葉美人聖神固未可一二簪纓閨閣問
量耳小子鰲忝眷汝南姊氏家自幼望見顏色時聆緒論心
儀殊非一日茲復有緣承乏家塾而昆玉後先不相鄙遺進
我教之以世學嘻幸矣

墓誌銘我

先生手墨未乾也

先生偶爲人作文字絕不喜虛譽此皆從至戚相知數十年
中親炙深探得之者

爰發 格菴兩先生賢宗鉅公一傳一狀幾縷縷不暇接猶
若僅掄揚什之二三則云何勗哉後之人永言孝思不盡宛

轉光昭前烈使論世知人曉然大君子篤實光輝之槩倬史
全經傳不朽固自有在凡其先此所謂讚咏詩歌記述叙跋
付諸兵燹者亦從此可想像而悉得之無庸扼腕又何取茲
陋劣小子妄于天孫雲錦上詹詹設色畫添也爲

癸巳秋眷通家後學餘生張應鰲拜手補跋

會稽偏山章氏家乘彙集卷之四

偏山世範

雜序

書慎獨公卷

天順六年壬午同郡魏樞

右濂溪書院山長章公遺跡一局其孫克威重爲潢飭者也首
列損菴古籀二字元季方塘居士所書居士姓王氏名寓字仲
方號方塘天台人其字剛勁嚴肅深得古法記文二道譙國戴
先生所誤今鄉儒鐫師邵重書者也先生名良字叔能號九靈
金華人嘗同宋太史景濂從黃文獻公遊學有源委與景濂齊
名先生洪武初屢徵不起變姓名亾命越間蓋當時與山長公

交好所作文辭醇粹博雅有六一風致慎獨二義中書舍人陳
登所書山長公丁安人遺像各附墨本志銘遺像雖百年容貌
儼然其山長公志則髡人唐之淳撰并書前太史豫章王鄰篆
蓋其丁安人銘則刑部左侍郎餘姚鐫季篪撰文從侄孫刑部
郎中敞書丹進士山陰曹南篆額噫觀此非玩物適精之具誠
能起敬起孝者余嘗慨世之爲子孫者將遺墨覆缶肖像售人
迨莫勝計若克威之爲可謂賢矣爲克威之子孫尚當人人孝
敬寶藏毋忽

慎獨先生丁安人九十壽序

永樂十二年甲午維陽鏞績

會稽章氏世居備山之下備山東濱海去蓬萊丹丘不遠風氣
磅礴扶輿人之生於其上者大率多壽章氏之穎曰永清永濟
與予交有年矣永濟適來視予作而言曰某兄弟不逮事吾父
矣獨吾母氏在堂今年五百有四十甲子矣四月之廿八日實
吾母始生之辰吾兄弟將奉杯酒爲吾母介眉壽諸能言者咸
爲聲詩以歌詠之吾子倘不彼敢斬一言以冠之乎予惟人之
所欲者皆可以智力致也獨壽者不可以智力致而又爲人之
所急故箕子敘疇壽先五福富康寧次之蓋曰非壽不能享其

餘也今章夫人生于富安清軒燠室足以寧其居也織絺溫纊足以適其體也甘脆醪醴足以養其口也令子順婦足以承其顏也孫曾蟄蟄足以怡其心志也僮僕芸芸足以備其使令也且夫人聽聰視明體力康裕幾於蒙莊氏所謂上壽夫人得於天者果何如哉予嘗思夫世之人壽者有之矣壽而富者蓋少也壽而富者有之矣聽聰視明而體力康裕者蓋少也聽聰視明而體力康裕者有之矣與夫子婦之承顏孫曾僮僕之怡心志備使令者蓋益少也今章夫人兼有之而他人所不能及恒使人稱道之羨慕之嘖嘖不能已於戲夫人所得於天者果何如哉夫人樂善好施老而不倦繼自今以往壽彌高而福彌厚

豈不爲 聖朝壽域之人也歟夫人得乎天者旣如彼而全乎
人者又如此每值始生之辰大開春熙之堂綵袖屢翻壽觴迭
進異薌凝戶薰風拂筵不獨爲其子婦孫曾者之所樂而族姻
賓友皆樂之不獨族姻賓友之所皆樂吾將見西王母萼綠華
與上元夫人之儔馭五色麟驂九苞鳳亦來獻蟠桃靈瓜侑霞
觴而祝夫人之遐算也

顯而顯夫入之錄其曲
與土天夫人之壽地正
武立外樂之不測其政
其與樂鏡耳薰風將發
人者又吹此華山歌主
豈不為人望博壽勉之
入世煥夫人再午天香

適安公還會稽序

永樂十二年甲午賜進士第儒林郎翰林院修
撰安城彭汝器

會稽古勝地也南鎮禹穴諸峰蔚然而奇秀舜江鑑湖瀦滙一
碧千頃大海汪洋東南際天地禹會諸侯與秦帝之所臨觀司
馬子長之所探歷王右軍李太白之所歌咏而樂游者數千百
年之間弔古人之陳迹邈焉山高而水深意其間有隱君子者
可聞而不可見歟章可道翁之曾祖諱斌者宋景定甲子試宏
詞科第一人至翁歷元季之亂絕意仕進讀書教子後際 聖
朝承平而君將老矣遂徜徉山水間有田一廬種桑數百株非

歛歲衣食可足環堵之室僅蔽風雨無輕肥之奉聲色之娛而
適然有自得之意閒居則登稽山採芳坐石忽焉長笑天風振
林木或濯足鑑湖之濱行歌舜江之上乃取韓退之之語題其
堂曰適安優游自得人莫知其意也旣而遣其子敞明經應試
水樂癸未敞魁制甲申再魁天下登進士第官翰林奉書欲迎
養君不可今年春忽寄聲曰我將至京師視子三月之交候我
於都門外及期果至予往拜之蒼顏白髮褒衣垂紳談往時事
豐魯不倦襟袍宏厚莫窺其渙予疑非今世之士也心竊慕之
方思日與之接而君遙艤棹歸矣諸大夫與敞在翰林者追而
餞之於龍江之澣且次其道塗所經山川名蹟分題賦詩以別

予辱公知請序予觀於翁其東南山水間之逸老者歎然古之
棲遲於一丘漁釣於一壑者皆可聞而不可見而今既見之非
歎蓋君能教其子仕於朝時行該文學卓然可稱而猶庭訓之
間未嘗一言離乎忠孝固非離世不顧者比也況臺省屢薦於
朝三聘不出一旦千里命駕翩然視其子於京師雖其敘天倫
之樂亦非欲以觀上國之光覩天平之盛耶昔王叔慶年四十
方至洛而名動公卿君年七十一至京師而京師之人傾蓋不
暇清風高節之足以動人者古今寧相遠哉第其來未幾而去
之甚亟豈朝市之樂不足以易其山海之觀抑以見之爲幸則
其去也寧不眷眷於別離之際而形之歌詠乎翁之歸將何以

答諸君空谷白駒之恩不知能無金玉爾音否也因序以訊之
適安公集序

正統元年丙辰賜進士第榮祿大夫謹身殿大
學士建安楊榮

天下之物至貴者不可易得也夫金礦於石玉韞于山珠藏于
淵人皆知其爲最貴之物也然非窮極智力以求之不可得而
有焉幸而得之饑不可爲食寒不可爲衣何益之有夫菽粟布
帛天下之不可一日無者人徒知貴其所不當貴不知貴其所
可貴者何其惑滋甚歟文章天下之菽粟布帛也達賢者爲館
閣之文其氣雄長其意純麗其體制渾厚而克溢盛世之音光

嶽之華也若夫山林之士畱滯江湖之表咏歌寂寞之濱當其
操觚繹思有不能自知其流於感歎鬱懷者故世之論文遂岐
而爲二焉文豈有二乎哉余承乏史館與少宗伯會稽章君尚
文日相往來得觀其先大夫適安翁集皆翰林諸儒所作有所
謂適安翠微贈行唱和像贊畫題哀挽等詩文若干首長章屢
牘不一而足春容璀璨誠足以摹寫山林肥遯之景江山行邁
之思與夫品物之妙思慕之情藹然溢於言外噫天下之文若
是其至矣然皆本於翁讀書樂道徵辟不起清風高節迥邁古
今子蚤膺睿選績學中秘纂修四書五經性理通鑑大全晉帙
禮卿兩使安南有撫靖之功德業文章卓爲時望父子出處心

迹之間皆諸大夫喜聞而樂道者珠錦盈軸猗歟盛哉余觀世家巨族貿貿焉畜財豐藏爲計聞翁之風可以興起矣翁爲宋省元斌之曾孫仰德承休信乎以道克爲貴身安爲富也今因尚文君之請故敢僭序諸首

適安公集序

嘉靖四十五年丙寅賜進士及第儒林郎翰林院修撰山陰諸大綬

會稽章適安先生古賢者也元季兵燹遂高蹈林泉

太祖高皇帝龍興徵不起構堂一所曰適安樓一座曰翠微日逍遙盤樂於其中暇則飲酒賦詩而已海內賢公卿大夫與之

遊至有爲詩和之與文贈之者昔李愿歸隱盤谷韓昌黎爲之
序今誦昌黎之文者知愿之爲賢我 國朝名臣若太師楊文
敏公榮文貞公士奇太保胡忠安公儼王文端公直少保鄭忠
肅公堃祭酒李文忠公時勉尚書周文襄公忱祭酒陳文定公
敬宗大學士解春雨公縉輩道德功業不在昌黎下先生人品
比之愿豈多讓哉愿之賢他無所考不知唐之時亦有徵聘之
者否盤谷之中昌黎之伍以詩以歌以辭賦贊揚者如今之盛
否乎今觀其集若干卷生則倡和題贈其沒也有哀挽詩文有
像贊有誌表碑銘又不知愿之沒曾有如諸名公者爲之文乎
否古之幽人潔士或僻處深山遐谷之中者或托漁樵以潛跡

者或農桑田野聊自食者或湖海之飄道者或木林花徑嘯傲
杯酒以放恣當世者要之離群避世如荷篠之老耜耕之夫且
將自絕于大賢君子視先生何如耶宐乎其生無聞而死無傳
也先生去今百有餘年余未親見其爲人觀其集可想矣噫世
之人有樂天知命不役役于榮寵富貴者乎有跡隱而行乎身
晦而名顯爲大賢君子所仰重者乎聞先生之風者可以興起
矣

遺安公還會稽序

永樂十六年戊戌賜進士第承直郎翰林院侍
讀學士慈谿陳敬宗

刑部員外郎章君尚文初與予同爲進士同績學內秘道同而
志洽相交好也於時君之尊府適安先生仲兄尚聲以君久于
其外不能無離憂遂各以其時來視旣至輒具餼酒盛賓客以
爲宴樂縉紳榮之其後予與君復同爲秋官主事未幾君以能
遷令官而予亦濫以菲薄承匱翰林又獲同列尾從再抵北京
北京去會稽數千餘里尚聲念其弟去家益遠而且久也乃復
踰淮涉泗以過齊魯之墟而至于斯以予與尚聲別去數年且

益歡然則君昆弟之樂宜何如耶既又念昔之會于金陵先生
既壽且康而君昆弟亦方偉茂壯盛而今亦斑白矣則先生之
老可知也予于是又不能不爲之慨然夫往而不返者時也壯
而老老而不可復少者吾之身也久而益親不以離合而有間
者昆弟之至情也此尚聲所以汲汲焉不憚其來之遠也鶴鴒
之篇詩人美其能赴昆弟之急難而作耳今尚文遭時聖明享
有富貴無用是之汲汲焉者而又跋涉如是豈非友愛之情發
乎其性情者哉今茲歸覲其親於奉觴稱壽之餘又能道其弟
所以顯榮於時之盛吾知尚文雖睽離左右而先生之心則甚
樂矣上能奉其親之樂而下能慰其弟之安皆在尚聲之賢有

以致之書曰惟孝友于兄弟詩曰張仲孝友尚聲有焉予與君
昆弟交非一日而又重以郎中郭公之請因其行書以爲贈

遺安公還會稽序

永樂十一年癸巳賜進士及第朝列大夫國子

監祭酒盧陵陳循

會稽爲南方巨鎮根盤二百餘里千巖萬壑鍾奇毓秀支脈分
于四旁者甚多其東北地名曰稷山甚奇特而章氏世居焉族
大且繁有適安翁篤實不華好禮尚義家法嚴肅每以積善爲
心鄉稱長者有子四人義方之訓尤嚴皆篤志好學曰尚學曰
尚聲曰尚則專理家務曰敞字尚文尤勵志讀書年弱冠入羈

庠朝夕不輟數載間經史皆通永樂元年秋中浙江鄉闈試魁
二年春及進士魁第授翰林庶吉士試翰林事德行文章爲時
所稱十年秋擢刑部主事爲政有聲明年春兄尚聲以父命來
視弟怡集閒居處言笑雖墳簾迭奏不足以喻其和一月尚聲
以父離親側恐定省有曠憐然告歸諸友送別于龍江之上好
事者繪爲圖能詩者又從而歌詠之求一言以弁其卷端予昔
忝職會稽郡庠與翁父子皆識面相知而尚文有同游之好乃
告之曰昔聖人贊易積善之家必有餘慶觀於會稽章氏可驗
矣尚聲善於幹蠱無事以貽父母憂可謂孝矣以父母命來視
慰其弟心可謂友矣孝友之道兩無所闕宜諸友有以歌詠之

也今歸拜庭闈問安外必報弟宦況平康廉慎自守又足以慰
父母心父母聞之豈不歡欣也哉一門之內和氣藹然居者安
于內仕者安于外則福祿之來如川之至而無窮豈非世代積
善之所致歟余以相知久又重以諸友請故不辭而僭爲之序

此今編其到關問交代必詳策實則平則則則自守文足以

質菴公還會稽序

洪熙元年乙巳賜進士第承德郎吏部考功司
主事山陰劉真

我朝自

太祖高皇帝設科取士以來我紹興鄉較弟子員繇舉子業致
身顯榮者比比而是或內而爲侍從近臣有喉舌之寄秉黜陟
之權備論忠之職任胷子之師莫不依日月之光華以取重於
當世外而膺方面之重臬司之任與夫爲郡爲縣者又莫不有
民人焉有社稷焉一皆叨享祿位顯祖宗懽父母榮妻子爲鄉
黨之寵光至于今人稱道之不衰然未有若我天官考功郎中

章公尚文及秋官主事王暹氏者之於親尤顯顯者也暹之父翁振宗親受勅封郎官以歸于鄉而吾尚文之先親適安翁永樂中恒以其子爲翰林庶吉士與二十八人之選人文淵閣纂修大典及四書性理五經大全等書迎至南京就祿爲養且得見其子拜秋官主事陞員外郎郎中歸凡數年卒尚文以憂去服闋還京師

太宗皇帝謂其文學洽博擢爲考功郎中在職嚴考課之法無阿比之私是以公道開布而倖門杜塞百官群吏未嘗敢有非之者實亦難能也耶

仁宗皇帝嗣位 詔在朝文臣更事有言者咸錫以 綸誥馳

恩父母且俾之得以歸省爲榮焉於是尚文之父 欽贈之曰
奉議大夫吏部考功司郎中母楊氏封太宜人今 皇帝大統
尚文以歸省燎黃爲請 皇上允其志願復賜楮幣二千緡爲
道里費尚文感 恩竦荷拜辭以行其僚窠以予與公旣同爲
官又同鄉同道而同進者又知公爲最深來求爲贈言予聞詩
有之崧高維嶽峻極于天維岳降神生甫及申我會稽之山爲
東南巨鎮列聖祀事孔明數著靈貺繇是賢才之出其間必有
鍾毓秀氣者焉今尚文之歸掃適安先生大夫之墓也其于燎
黃之傾光被松楸式昭泉壤先大夫其必欽承之歟猶不歿也
旣而捧戴綸章升堂爲壽毋受封典吾又知宗姻閭里交相奉

賀其樂不可云喻然則尚文之於父母其豈不爲鄉較弟子員
顯榮之冠者耶雖然予亦鄉較之出也今老矣更期子爲漢之
鄭太尉弘唐虞永興公世南宋杜祁公行諸卿先德重望而無
媿斯可耳幸毋以予言爲迂

質菴公還會稽序

洪熙元年乙巳賜進士第奉議大夫吏部文選
司郎中池陽余可才

士君子以有爲之才際遇 聖明膺 寵擢登顯仕得以展乎

致君澤民之術以盡乎顯親揚名之道其榮幸爲何如哉若吾

吏部考功清吏司郎中會稽章公尚文以聰明特達之資明體

適用之學登甲科居翰苑日與鴻儒闡明聖典宏文藻思馳驟
駢儷揚確古今經綸治道學益富志益優奉 旨稱擬二十八

宿旣而爲秋官主政屬理刑名尋擢郎中持法律剖訟詞必存
欽恤獄多平反迨其丁外艱起復冢宰卿知其有學識多材藝
器宇之宏堪居華要於是薦之于 上遂拜考功郎中其居是

職也嚴考課之法明黜陟之典品題多士進退百官務合至公
愜輿論時余承之封司叻忝同寅得以接殷勤咨啓迪至若商
確政務斟酌可否悉中機度靡爽毫釐察寀莫不欽服去年春
承 恩渥給 誥命褒揚寵異以及先代父贈奉政大夫母封
爲太宜人今年冬援省親之例得請于 朝所錫府庫財爲道

里費榮幸奚加凡金陵交游寮家咸設祖帳餞別都門外屬予
言以華其行余維公之學問文章若是設施鼓舞若是令聞廣
譽又若是豈待予言之軒輊哉夫人之常情孰不願親存以致
孝養誰不欲子貴以繼志事今尚文公上有白髮慈親方切倚
門之望下有青雲令子蚤登世美之科斯歸也其樂又何如雖
然詩不云乎豈不懷歸王事靡盬釋者謂懷歸私恩也靡盬者
公義也無私恩非孝子無公義非忠臣君子不以私害公不以
家事辭王事公義得以盡私恩尚當式遙其來展其所蘊罄其
設施黼黻 皇猷笙鏞帝道俾恩義兼盡忠孝兩全卓然爲
昭代名臣而與古之忠良同光于史冊可也於是乎書

質菴公壽序

宣德九年甲寅賜進士第奉議大夫翰林院侍
講學士四明陳敬宗

宣德九年十一月十有四日春官亞卿章公質菴壽旦啓祥吉
辰昭慶其仲子京闈鄉進士瑾乃繪爲慶壽之圖預求請諸公
珠玉以祈永年而請予爲序竊惟爵祿富貴士君子可以幸而
得而壽則係之於天非在己有相感之德在人有頌禱之誠奚
可幸而得之故洪範壽居五福之首而必以德爲之本詩人所
載頌禱君親之詞亦必以壽爲之先於以見人之壽考誠非可
以倖致於此有足徵者公學廣而文富才高而量弘嘗爲秋官

大夫矣而人頌其仁恕之德嘗爲天官大夫矣而人贊其陶鑄
之功又嘗兩使南交矣而人仰其專對之才歷事三朝荷
蒙聖上厚恩擢貳秩宗贊治神人協和上下夙夜在公惟寅
惟清位愈隆而志愈謙任愈重而行益謹玉瓚黃流盛德壽考
固自足以臻此况其子瑾又克知年愛日廣求難老之章載集
延齡之詠所以心所誠禱益將無所不用其極理有感通福慶
攸萃是宜耄耄之歸方隆而弗替無疑也壽觴必馨賓筵秩旅
載笑載言式燕且喜於斯之時吾知公霜髯酡顏絳袍金帶情
怡氣克曄如神人若將與有道者遊于蓬壺瀛島之上不自知
其壽齡增算也猗歟盛哉予與公交好甚篤職守所羈深以不

奉卮酒爲媿因瑾之有請也書此以爲之序云

質菴公壽詩序

宣德九年甲寅賜進士第正議大夫通政司通

政使羊城陳璉

禮部侍郎會稽質菴章公今年冬十一月十有四日適逢壽日其嗣冠帶舉人用欽預求縉紳大夫之作至期稱觴獻壽俾子弟歌之侑樽俎而成軸珠玉粲然間至京徵文爲序予惟人子之於親莫不欲其享遐齡介景福然壽出於天非人之所能故居五福之首是以古之詩人善頌善禱者必以壽爲先人而有壽頌而祝之不亦可乎公生德門遭逢盛世始以明經登永

樂甲申進士第時 太宗皇帝方崇文教遂選爲庶吉士績學

翰林肄習文藝期以遠大自後薦歷郎署聲光燁然今 上嗣

登太寶宵旰圖治思用舊臣公遂拜是命以經濟之才爲春卿

之貳勳業益茂聲譽益隆今年壽介五十有九康強不少衰耳

目殊聰明日從容廟堂佐理庶政禮樂明備神人以和簡在

宸衷寵眷日盛名位壽祉蓋未艾也他年耆英之會舍公而誰

哉昔王元之壽域碑文謂人之壽夭係於君之政教洪惟 皇

上嗣無疆大曆仁恩誕布海宇同春舉天下臣民咸躋壽域幼

者蚩蚩壯者怡怡老者熙熙不啻如葛天無懷氏之時矧公今

爲 天子近臣人侍 朝廷猶登春臺薰于太和神怡氣清其

膺福祉固宐此縉紳大夫之作所以極乎形容而無讓于古之
詩人也予夙受公知他時倘與壽筵之末當采玉芝屑瓊蕊酌
霞觴以爲壽公能酌我以太白乎因用欽之請姑書此以俟

...以爲...公...以大白...因...之...故...也

...人...受...與...之...未...王...之...也

...固...大...之...以...平...容...也

覺軒公壽序

正德十二年丁丑賜進士第中憲大夫廣東按察司副使同邑秦銳

凡世之稱交遊者德業可相勉而志尚則不同出處雖一途而仕止隨所寓此則修之於已而聽之於天者也其氣稟厚薄壽夭之不齊則非人之所能爲矣昔予髫年卽往還備山章氏群從中而與景儀君最密予兩人者每以德業功名自期待比弱冠予入郡庠爲弟子員而君亦以明經起家從時就試一不售於有司則飄然棄去益務宏博以極所至於是其所造就益克然矣乃斂厥所蘊而施於家庭之間以之事親奉祭爲實德調

窮恤匱爲實行成化間歲大歉君能出粟數百石以賑其鄉有
司聞於 上錫之冠服以榮終身自是郡邑之徭役不均政務
缺失必悉心精慮以匡救之頃年條陳時務十餘事多見采納
邑令將榜以示永久今去而不果他如瀝海塘決大爲民患都
水憲臣廉若有才能禪莅其事不數月而塘成省費累鉅萬迄
今十餘年民恃以安此其略見於行者逮其中年亦自曠達日
以觴咏自娛而益以教子爲務必擇明師以爲之軌範卒致其
子梧博學能文克世其業爲時聞人繇郡庠生以升太學顯榮
有日矣孫二元紹元縉皆循循雅飾俾習進士業咸克振其家
聲者所謂芝蘭玉樹不得專美於前者予於君見之暇則游心

翰墨善行楷有晉人風韻而仁愛及物之心甚篤嘗曰大抵人之生世不爲良相則爲良醫嘗究心軒岐之術而晚遂於醫凡越之名醫如夏廷用輩皆資其講授從而治療者如矢中鵠無不良癒其手自扶生起死者不可縷數而皆不責其報繇是觀之君雖托隱而惠之及物者與予相去遠矣蹟予宦轍馳驅逮三十載而功業罔究者爲何如耶詎意天假之緣獲覩眉宇於稽山鏡水之濱握手道舊齒皆七十而蒼顏白髮矣所謂邯鄲之夢方醒而故園之松菊無恙得與賀賓之列亦不幸中之幸也雖然子不鑿坯予不搥甕以相忘乎無何有之鄉亦無乎不可茲因其伯氏徵君景元乞文爲贈爲予女兒之夫不敢以不

文辭爰敘此為初度之慶

[Faint bleed-through text from the reverse side of the page, including characters like '文辭爰敘', '此為初度之慶', and '章氏家乘']

介菴公壽序

成化二年丙戌奉議大夫唐府左長史八十九

翁古虞張驥

根之茂者吾知其實必遂膏之沃者吾知其光必燁人之有德者又豈不永其年乎詩曰其德不爽壽考不忘此之謂也予嘗以是而驗諸人其審也久矣會稽介菴章先生實亞卿之猶子侍郎公之兄也今年夏四月二十七日乃花甲一週之辰其姻家鄭公循理往爲壽以予文來請且曰介菴之爲人言有物而不失口于人行有格而不失足于人威儀有常度而不失色于人身雖居於宦族而心實在于山林不蠅營以同衆不澳認以

隨俗可謂歲寒之松柏也願文以張之予謂福之大者爲壽故箕子之序疇第其五福一曰壽二曰富三曰康寧四曰攸好德然說者又以攸好德爲五福之本蓋以有德者必得其壽必得其富無德而壽罔之生也無德而富怨之府也無德則不能心廣體胖康寧而曷全乎今先生所行若是可謂有德者也何福之不可至譬猶入大庖之室隨所意欲而取之無不得者豈止一壽而已乎繼今而往益加存養培其根以俟其實加其膏以希其光是不惟鄭公之願予亦以此有望於先生也是爲序

介休公書

卷之五 平西 大書 八十五

素菴公歸越焚黃序

宣德九年甲寅奉議大夫衛府左長史前翰林
院庶吉士三衢金寔

公卿大臣之子弟不志於學則其志必下膏粱綺縠厚于自奉
驕縱淫佚蕩而不知歸甚或竊弄父兄之威柄翕張以射利無
所不至者世益多有也惟其志于學也則日進于高明務其所
得恒若不足而無暇他及回視此等輩若薰蕕冰炭不欲置之
齒頰者有焉是固繇其天分之高亦以有父兄之教而致然也
會稽章生瑾今禮部侍郎尚文公之仲子也公初舉進士時瑾
猶未生甫成童爽朗秀異蘄然露頭角公愛之雖甚至而教之

必嚴爲考功郎中時瑾始弱冠予嘗見公遣其從鄉先生受經
作詩送之俾痛刮侈習以安淡泊力去浮華以就朴素瑾亦遵
服父命鋤礪弗懈丙午領京闈鄉薦公以其蚤得不使再試禮
部攜之歸寧庚戌歲再見于京師則頎然而長學亦大進及會
試名在乙科之首 上以進士登甲科者限於定額不能盡天
下之才復命從副榜中拔其尤者得二十四人俾冠帶入太學
以須後科而瑾居第一去年冬侍郎公再受 誥命加封其祖
父母官皆三品而公以大臣不得輕去位乃上疏乞令瑾捧
誥南歸燎黃于祖考墓下旣得請其鄉友翰林檢討秦初率同
輩祖之於郊斬予贈以言予辱知侍郎公頗厚而又喜瑾之志

不自同于庸衆人因舉大臣之子弟學與不學之異以嘉勉瑾之歸也將事旣畢以宴樂父兄宗族褒衣危冠肅然有容進退唯諾退然而若虛視他人以富貴侈靡誇耀其鄉黨宗族者孰得孰失必有能辨之者矣

素菴公任都諫序

正統十一年丙寅賜進士及第通議大夫吏部

左侍郎恒山曹鼐

士君子審夫內外輕重志有所向不爲聲利所移凡於外之所
得者皆不求而自至蓋必有所見然後知所適知所適然後行
之利而無不得也予於禮科都給事中章君用欽有徵焉用欽

世家會稽茂族前禮部左侍郎質菴翁之仲嗣也自蚤歲隨親
宦居京師脫畧侈靡澹然如布素奉侍之餘祇受嚴訓日親賢
師友勤志學問駸駸有得視彼優游富貴以紛華聲勢相高下
者漠然也以故學行益修繇詩經領宣德丙午順天府鄉薦登
正統丙辰進士已而天官上其才擢禮科給事中謹畏清約遇
事侃侃議論風采足以動人爲時所推重甫五載簡在 睿衷
特命掌科事未幾陞今職蓋 殊恩也命下在朝大夫士皆歎
羨嘖嘖同官諸君子聲應氣求情不能已相率賦詩贈之以予
辱知用欽世久且厚屬序弁諸首簡初予至自外邑用欽亟訪
予旅舍一見如平生自是以道義相往來者幾十五年矣千茲

見其敬而未見其怠也因念用欽氣爽識朗才性警敏竊謂必
底於大用今觀用欽致身於高明清要之地則予之所以歆羨
而稱道之者奚啻其口出於諸君之請詎可默耶 國朝設六
科給事以出納 王命封駁章奏而都給事中爲之綱維卽古
納言之任厥責重矣昔虞舜命龍作納言必于九官之後誠以
天下已治群賢已盛或讒佞得肆則賢者不安治道遂廢故命
龍之詞首日朕旣讒說殄行慮讒佞之傷善數也繼曰夙夜出
納朕命惟允欲其審覈之當俾讒佞不得以傷其善類聖帝命
官盡職惓惓以防邪衛正爲言其於君子小人之間扶陽益陰
之意深矣後之當是任者不燭其理而欲爲其事其能克舉其

職足以繼古而光今亦難矣哉用欽素所學者在斯志於行者
在斯 皇上簡任之重亦在斯吾知其必以古道自期矣矧尊
府質菴翁昔以清才碩德歷事 列聖克著猷烈縉紳間至今
稱之繼其美者又惡可不思所以踐其道乎詩曰出納王命書
曰崇德象賢用欽誠于是益懋而不懈則仰副 寵命述美先
德非惟不失士君子期望之意而名位功業亦將匹休於古之
人矣敬書此卷端而因致夫祝規之益焉

素菴公任都諫序

正統十一年丙寅賜進士及第嘉議大夫禮部

右侍郎臨煦馬愉

會稽章公用欽正統丙辰進士官拜禮科給事中未幾掌科事
居官恭慎嚴密才職通敏練達時政遇事侃侃敢言駁正違失
屢有裨益焯著聲譽同列咸推之乃以績奏上察其能命陞
本科都給事中在朝士大夫咸賦詩爲篇什賀屬予序予知用
欽尊翁永樂甲申魁甲科時

太宗文皇帝睿選名士擬二十八宿績學中秘歷事四朝清

聲偉望至今冠裳頌之不衰用欽蚤授庭訓遂以甲科效用於
時而被恩寵信知其毓德有自而才識器量企于遠大則尤
不可以資格拘者矧給事中之職古今最爲慎重蓋以操簡牘
侍殿陛出入禁密叅典機務所以尊德澤宣命令官之最近者

故唐人作詩有晨瑤玉佩趨金殿夕捧天書拜瑣闈之句則可見當時居是官者進退閒雅清高貴重有從容自適之意我朝以來分設六科率簡正直敢言之士以居優禮超擢殊異常品慎重斯任尤甚仕之至是寧不知自重耶用欽光承家學摯誠竭忠欲仰答 寵遇之厚蘊蓄于中而未施者人固難知若夫諸公獻規益之辭盡朋友之義以道相誦期用欽他日陟崇階歷華要尚圖惟遠大率著夫致澤之效者隱然見于歌咏之際有不特如唐人顓言從容閒適清高貴重而已因推其意爲序以著云

素菴公任都諫燕會序

正統十年乙丑賜進士第真議大夫禮部左侍

郎太原王英

會稽章瑾用欽故禮部左侍郎尚文公之子也公永樂甲申進士選入翰林績學待用起家秋官主事累陞至侍郎制行清謹問學博洽識量弘遠爲時名臣用欽以俊偉之資承家庭之訓學有淵源又篤志潛心益加自勵遂登科甲拜禮科給事中允稱厥任 聖天子嘉之命掌科事同列讓其能譽望著於時詔特陞爲禮科都給事中旣授職同寅之士置酒高會於私第爲之相慶而給事中王君屬予華之以言予與侍郎公爲同年交誼最厚知用欽蓋如此烏得無言哉今內設六科給事中以

典記注叅駁繩違糾過職清且要非他有司可比而都給事中
則一科之長諸司之事必審其可否得失而後行之非學足以
明理才足以致用者不可膺其任以用欽爲之其賢簡在 聖
心也能稱斯職大有所爲以副 上之所趨擢也審矣雖然君
子之仕也既有名德而其子孫亦必能繼美前人以振其聲譽
者也若漢之太尉楊震以清白之操遺其後人其子秉居顯要
之位而宋丞相魏公韓琦以忠亮之懷爲社稷之臣忠彥諸子
皆相繼立勲業名載青史傳之不朽侍郎公有才學重望而用
欽爲之子且年甚富志甚銳其學甚優廸乃父之行嗣乃父之
志必赫然相繼大其休光昭於盛世夫豈不足追縱古人如太

討魏公之諸子哉都給事中之擢蓋發軔於此耳予以是爲用
欽期之是亦用欽之志衆同寅之所望也爲之喜而相慶者不
亦宜乎故書以燕會詩序

八百里外書以燕會精學

始也之其衣但楚之志泉同實之而舉也忽之喜而

同歸矣女歸于姑猶似軍中之對諸孫神於此耳字以其

序世德餞敬十姪惟任岳州司理

成化二十年甲辰賜進士第中憲大夫太僕寺
少卿致仕季父遜菴

作善降祥一感通之實理也而小大遠近應之各以其類徵諸
傳記不若驗之于身有以開之于先矣繼之于後能謹而不怠
此所以綿綿而無窮已也我章氏繇太傅練夫人以一念之善
全活一城之人其根本固而大原委深而遠如豫章蟠厚地而
枝葉自然暢茂如大澤瀦淵泉而流派自然漫衍夫豈小惠近
功之可比擬哉自五季迄宋子孫極盛而勿替或出或處偶地
因時遂散處焉予鼻祖自暨陽徙家于會稽徧山蒙受慶善之

澤尤大初惟務詩書而敦禮義至我高祖元八府君益篤學力行南宋景定二年省試發解第一人遭艱天步循養自晦恬如也德積澤流篤生我先祖適安先生躬逢景運乃培崇德基濬厥澤源生四子十三孫式訓我季父以正葩之學當文皇初禛浙江鄉試爲詩魁名在第三越明年禮部會試又錄其文式後學天子憑軒策畢選列二十八宿績學中秘與修永樂大典五經四書性理大全兩使南交勳名赫然位終禮部左侍郎三代受封贈光榮莫倫肇開令緒貽謀後人十三孫中行八者正統丙辰進士給事黃門擢貳春卿遽卒行十者則予也景泰甲戌進士歷職方武選主事駕部郎中出爲遼東行太僕寺少

卿乞休于家行十一者受知者薦發身較官簡爲監察御史陞
太僕卿卒東魯何其昌盛若是耶良繇前人作善有以感通於
天冥符默契不期然而然也先祖四子伯父生三子孫男十二
人仲父生四子孫男十一人先人生先兄暨予孫男九人季父
生四子孫男十四人繇子而孫孫而又孫計已八十四人矣其
來未量克郡邑庠弟子員掛名場屋者九人伯父之孫名惟者
方忝荆南岳府推官名忱者成化戊戌進士出宰臨城邑今叨
寵召陞太僕丞矣仲父之孫名軫領壬午科鄉貢偕其一行
同時在庠序者六人忱軫忝世其科目惟在諸孫中尤溫沉潛
力守其家學未嘗有子弟之過其試于鄉于兩京者凡十弗獲

一利然非其咎也以例膺貢卒業胄監閱歷寒暑備嘗淡泊困
極而享叨承 明命節推名郡揆我先德方新未艾其所就未
可限量道經于家攜妻孥上任顧予無似叨承先緒弗墜在出
仕兄弟中獨得歸休馬犬之齒七十有二矣方幸惟之晚成歸
榮遽爾舍去垂老之人百感交集其何以堪之尚念我祖宗世
世作善而大發于季父吾輩始能襲慶踵芳以延于後之人當
有告戒之也祖席在陳執爵酌而飲惟者三告之曰善者天理
之本也天理本善故人能作善則自然感通于天而降之以祥
不一而足非可以智取力致也我先夫人能推廣一念之善我
祖宗世克敬承此子孫所以昌盛而引長之也予蚤達此爲季

父所鍾愛今舉以告爾亦豈有他哉爾能不以遲晚累心而萌
孽私意以汨其本然之善夙夜仰求先世所作之善推而行之
自一心一身而朋友庶官以達之於民一則可以上承世澤以
福爾之子孫一則可以仰報 列聖厚恩而盡其職分以馴至
遠大爾父兄既食其作善之報鑿鑿其實彰彰其明如彼爾豈
可怠而不謹以間其作善以自遏其天休乎戒之戒之勉之勉
之予弟璵琰方侍拱而曰敬聽于是復命子孫洗爵旅進慷慨
而別

秦太孺人人瑞序

嘉靖二十六年丁未賜進士第中憲大夫山東

按察司副使古柳李易

慶雲甘露天之瑞也澧泉芝艸地之瑞也修齡備福人之瑞也
是故風雷雨露何物非天茅甲根芠何物非地札瘥天闕籛條
癰腫何物非人曾是以爲瑞乎彼天以是施地以是生人以是
成常也特出於常數罕聞之外是之謂異惟異斯可以爲瑞夫
瑞又非偶然而致者必有德以爲之基也德以格天則慶雲出
甘露降德以動地則澧泉涌芝艸生德以淑身則修齡凝諸福
備斯固理之必然者也故瑞以徵異異以徵福福以徵壽壽以

徵德休茲人道之全矣是道也三代而下未之聞焉而章母秦
太孺人實有之故曰人瑞太孺人者寶慶郡伯海崖翁夫子之
母銀臺知事韋菴翁之胄也婦儀貞淑無愧孟德莫與儔矣夫
子歷官吳楚著績循良天子推恩封典薦渥太孺人受此褒
榮福莫與儔矣嘉靖丙午秋九月十有八日實惟盈百上壽之
期海內僅見壽莫與儔矣夫子以民牧重寄望雲慕切力珍脩
養遣冢嗣南淵子稱觴爲壽太孺人是日出御北堂朱翟輝煌
幡然垂素子姓耄耋環侍列坐如瑤島仙馭之狀而鄉邦之貴
顯華胄莫不畢賀遠近聞者亦皆群然異之故有文有圖有頌
有詩歌爭傳以爲瑞焉南淵子彙爲帙易得而讀之竊以古之

稱瑞者或鍾於天或出於地不可以兼得猶將播之音韻示美于後以爲德之所致而况德壽兼隆諸福咸備如太孺人者人之瑞之也固宜矣嘗考會稽當斗牛之墟斗牛燦南極之北南極者壽星也常以秋分之旦見於丙寅歲丙午九月則秋分候也是天實垂象瑞諸天矣會稽介台明之間偏山爲南越之勝蓬壺洞天諸仙往來之會地實效靈瑞諸地矣太孺人有貞靜幽閒之德以當夫兩儀協瑞之應故其稟之厚福之集而歷年之永如日之升如月之恒如山川之鎮靜不騫不崩寧可以數計耶繇是當宁下存問之仁史氏則壽考之傳不但瑞諸偏山瑞諸天下瑞諸後世而已殆與天地同其悠久而所謂慶雲

芝艸之類不知其出沒榮枯幾千萬也茲非我國家之一盛事
矣乎易不佞庸書此以俟觀風君子採焉

秦太孺人人瑞序

嘉靖二十六年丁未賜進士第中憲大夫興化
府知府古虞朱袞

惟茲嘉靖丙午吾越徧山有人瑞者焉氏秦歸諸章韋齊翁生
三子一女而翁以七十四齡觀化今寶慶府二守世復其季子
也頃歲以前宰宐章最績徵薦獲勅贈翁如其官而母太孺
人之封則恩光燁然浮冠帔矣茲九月十有八日實維上壽

誕辰通國皆稱異數焉世復繫官天外鳥翼雲鄉何繇也曰嗟

乎吾母乃弗安季也遶膝之娛乎惟修珍走伴東望顙祝而已
予子朋來爲世復壻間以書來質曰子臣果異道乎曷以通之
予復曰 天子求孝作忠人臣致忠成孝匪兩物也矧太孺人
有伯仲二子世民世治諸孫之侍而女適山陰胡安之者時復
候寧曰吾已得養矣安用季俱蓋有期於遠大者惟所親安是
曰養志不既有籍矣乎厥嗣國子生元綸聞而踵予請竟厥義
有異并州法曹之故乎不知梁公之親其視并州有如太孺人
之視寶慶否也其以取日虞淵流馨無窮乎 昭代絕晨牝之
鳴世復宜無願于梁公梁公始願亦豈出此今日循資立望大
夫而上孰禦也觀宜章以前所過民繫去思可徵矣予嘗起居

太孺人得其形神無異少壯子若女咸歷中壽下壽俱無恙若
世復則其最幼也曾玄競秀續香遺籍天人交贊百無嬰情壽
也可以恒數限量乎章爲吾越望族聞子孫外稱觴祝者者稀
而上殆盈百宛然僊會暨諸媼黨之集戶弗容屢咸尋壽源有
頌曰太孺人生三年值土木之變一聞厥考銀臺知事韋菴公
之沒於扈 征哀痛踰常閨孝性成是以壽又有頌曰于歸來
克舉相道祀謹節諱養修舅姑勞率先妯娌姑臥疾十餘年左
右靡倦至夢舅潤菴翁絜孩遺之曰以酬汝孝產卽世復也今
拜 封典婦恭是以壽又有頌曰以勤儉處富以遜抑處榮以
孝弟訓丁姓以德惠遇宗媼周卹屯難恒恐後用能光昭先宗

伯適安翁之遺緒母仁是以壽乃合而祝之以無疆無疆如上
古神聖之算云予譬然興歎曰孰謂上壽而可以倖致也哉洪
範五福先壽而要諸攸好德不有徵與不有徵與越稱小蓬萊
茲幸有象又不知老何陽者壽幾何子孫幾何諸福盈縮恐亦
莫之倫也予安得不爲太孺人動色予安得不爲太孺人動色
元綸稽首稱謝曰願書之山堂用詔世世

秦太孺人人瑞序

嘉靖二十六年丁未賜進士第通議大夫兵部

左侍郎同邑陶諧

太孺人章母知通政事韋菴秦公女也配韋齋章翁以子寶慶

二守世復前宰邑獻績徵薦錫以 恩命贈翁如其官而 封
母爲太孺人焉自生年距今彌百齡矣永禔之辰實九月十八
日也予孫大臨爲母孫國子生誠之壻辱戚之至者可無一言
以稱觴於堂下乎夫壽先五福人所羨也七十已稱古稀况百
歲乎然非徒壽之貴也貴有凝壽之基養壽之資與承壽之樂
耳詩書有之曰君婦莫莫萬壽悠酢語凝之有基也曰孝養厥
父母自洗腆至用酒語養之有資也曰君子有孝子孝子不匱
語承之有人也太孺人室也孝女嬪也順婦事姑商氏患病牀
褥歷年滋久孝敬備至致感神貺寅上惠下虔廟肅闔是可以
觀德之莫莫矣何基之弗固乎太孺人世祿之家始自光宗伯

適安翁籍富惟舊用物惟弘是可以觀養之素腴矣何資之弗
裕乎太孺人三子一女咸克壽祉伯仲安爾季也顯爾 龍誥
伊榮彩斑伊喜是可以觀孝子不匱矣何承之乏人乎故繇前
言之壽以德致繇後言之福以壽享用是而知天不假易人無
幸獲若太孺人萃福壽而爲人之瑞也咸自致焉耳繇此而進
其又可量哉昔予母太淑人當九袞時予亦在官而予兄若弟
在堂稱慶大率事類今日然壽未百齡而長兄已逝當時猶嘆
賞嘖嘖目爲全福若大孺人身享期頤而嗣皆無恙其爲世所
賞羨又當何如耶耆然北堂而皤如遶膝者皆以嬰孩視之不
啻仙會壽域矣且予曩時雖獲顯者爲文以壽予母然不得戚

嘉靖家乘彙集卷之四
屬相知者爲之揄揚惟表其福之集而未究其德之致今太孺
人以期壽而予與三峰朱公彭山季公輩皆屬在至戚得以素
所知者爲文以光昭令德於萬一則又若有不偶然者矣然予
之文無能爲太孺人壽而太孺人之德之壽則誦美無窮是予
之文將賴是以永也予寧不樂爲之言

秦太孺人人瑞序

嘉靖二十六年丁未賜進士第中憲大夫長沙
府知府同郡季本

恩封太孺人章母秦氏知通政事葦菴公之女贈文林郎宜章
知縣韋齋翁之配也以子寶慶府二守世復前知宜章賢能聞

于朝例得推恩故贈韋齋如其官而太孺人因受封焉茲九月十八日實惟上壽誕辰太孺人生三子一女伯子世民仲子世治女適胡安之世復君則其最幼者也惟章爲越著姓年踰耄耋者不啻百計皆相率爲壽世復君時請終養膺畱不充未克稱觴膝下爲念太孺人戒諭之曰定省侍膳汝兄汝子行有餘矣汝當盡忠報稱顯揚爾生斯爲養志孝莫大焉於是世復君特脩異珍命子元綸奉觴上壽子女孫曾萊綵遠膝與族之群從旁列皆鬢髮皤然若太孺人者蓋已隸緱氏之籍而目諸老爲獻桃小兒不必求之瑤池而壽域在一堂之上矣猗歟盛哉太孺人性資仁孝不事華飾在室爲賢女旣嫁爲孝婦在堂

爲德母惟肅惟雖不亟不怠得失無喜怒之形周濟無德譽之望事姑商氏年老患痢淹臥牀褥十有三年太孺人朝夕侍養歷寒暑弗輕踰戶限親爲澹滌扶抱按節舉得歡心久而益切恒忘寢食致姑享年八十五齡卒無厭滯之苦孝性天植蓋能如此後夢舅攜孩遺之曰汝事舅姑孝敬从而不渝天錫汝壽不待言矣他日光汝之孝行者此子也若期而世復君生焉韋齋翁性行剛正慷慨有古人風秉植綱常大義不諧時俗趨好遇人有冤抑者卽易產一二百金與之無吝色晚年詩酒自娛太孺人每善相之未嘗敢少違也日勵勤儉訓迪諸子各底成立惟其脩德也厚則其獲福也隆故能以期頤之年膺 封典

被寵榮翟冠繡服誠兩間一人瑞也而又子女咸在足以承權
孫曾兢茂足以衍慶豐裕康寧足以頤豫故雖老而耳目聰明
儼如少壯則其壽也又安可量哉古稱上壽百歲中壽八十下
壽六十人生登壽已爲難得中壽則益稀矣况于上壽乎况諸
福咸臻諸壽咸萃而將進於是乎夫人極言之百二十歲之物
也邃古以來雖神聖之壽爲最高亦鮮或及之今將于太孺人
有望矣昔歐陽公謂蔡端明之母盧夫人克備五福而不闕其
一凡爲人子者舉觴壽親莫不以夫人爲祝然考之盧夫人雖
壽不過九十有二所生四子三皆蚤世獨端明後終亦止五十
六而已求如太孺人百年而尚康強子孫皆垂白而無恙者胡

繼魯公還會稽序

嘉靖四十一年壬戌分寧周偉

達尊清泉先生兩淞名公也歲在壬戌月殷孟夏因我提調竹
渠翁佩大夫之符駐寧州之節迎奉就養而始得底官邸焉余
小子偉從辛子石岡何子北山後躬候於龍蟠江上但見翁之
大耄高標童顏鶴髮其骨矻矻其神灼灼一望而知爲神仙中
人蓋儻然有古豪士之風焉先生曰吾自發紹興而大江以西
也徘徊乎西湖之景綢繆乎嚴陵之灘踰姚文敏公之境式商
三元之廬眺趙清獻之墟訪章文毅公一本之宗渙然釋怡然
順將不以世故滑其中何其壯哉已乃踰常山浮廣信登張真

人之府而遠稽乎畱侯藏用之善躡匡廬山之根而載誦乎白
鹿洞規之詳研討則邃發揚蓋有待也倚佇歎慕久之又自以
爲時之不我與則長臥其中足矣而况以保壽命之源也開楚
天以轉盼望翼軫而愈遙邈彭蠡之濤景靖節之祠滂然雲興
燦然星耀豈不有羨于古今人之有不相及哉斯時也斗轉曙
明風順帆輕俄焉忽焉卽次建昌舊黔黎舊倪旄復有群然牽
袂而驚喜伏謁而趨承蹠而畱介而觴欣欣如有獲者不知凡
幾什伯人則亦何有於我哉自余輩聞斯言則甚敬畏先生以
先生非常人也太守君曰家大人自爲士時負文名挾才技旣
以天下爲已任人亦顛顛然望其有以見于天下是以勝覽盡

兩京足跡半海內人謂其有司馬子長之技已數不滿謁選判
建昌簿鸞栖枳棘令行化洽人謂其仇香考城之遺及勇退而
栖于野睹世之貴達輝赫顯盛倏然起倏然仆則又大息曰吾
道固自足下也嗟乎若先生者豈非古豪士之遺哉夫巍爵重
祿賢者欲遂其志之思也然福鍾而懼隨君子有隱憂焉故或
醉而獨醒寐而長吁因之泄越精神卑減年數蓋往往然也先
生居今而鑑古見大而心泰比其視富貴等浮煙耳故司命不
制其算引年不限其度勿問元吉矣乃復追慕嚴陶二公之道
大而歎之豈自擬其似耶先生今年七十七矣日嘗侍先生渡
脩水步南山高等尋藏龍之洞探冠雲之頂蛇徑盤紆行者五

體而上六休而下至險絕矣先生舍輿登降快如勁翼矯健不
可京他日又縱觀太史黃山谷筆精之妙如釣臺明月之灣清
水之岩躡級捫蘿揚翹獨振乘危而不怖竟覽乃旋軫若斯之
氣假令逢陽邁會操宰物之柄執平世之樞其勲烈可勝道哉
山川映發于目時序變易于前則又茹爲精華吐爲藻績褰帷
而白雪立就駐轍而青緇都滿茲固博物之緒餘也說者謂張
子厚善養浩然之氣微先生其誰與歸適見秋空雲淨涼入大
虛先生幡然有歸興凜乎其不可畱太守君之僚江子會水楊
子泗湖孫子復菴僉爲余言能道先生之意關當時之故切人
情之要餞之而不用觴別之而不必詞也偉顧辛子何子而慢

曰無憂者其惟清泉翁乎不匱者其惟竹渠翁乎人知泉翁凝
福蒸休之動協乎天而不知其製錦教忠克遵乎古制人知渠
翁孝養祿養之兩極其至而不知其聞詩聞禮克宗乎庭訓試
觀天下官有以大夫名者求其雙親具慶顯揚崇異致敬致樂
以罄人子之至情者惟渠翁以之也親有以具慶名者求其乾
綱外揚坤綱內括舉案齊眉適觀大道之行者惟泉翁以之也
使天下之爲父母者皆如泉翁至當百順之備則其詒燕流施
可式昭於四海使天下之爲人子者皆如渠翁踐形惟肖之美
則其培植胥匡可同胞于九有是泉翁之澤在四海也而不特
在于一家一郡焉已也泉翁之歸宜于壽也而不特至于爲耄

東稷公任濮州序

嘉靖二十七年戊申賜進士第嘉議大夫吏部
右侍郎東郡龍石許成名

有爲濮守章子余贈言以旌其政者謂自有濮守以來所僅見也濮人父母之神明之當道之獎勵狎至士夫之贊詠偕作因歷陳美績甚衆聞之不覺嘉歎雖然皆守職也章子克舉之耳然其中有感余者反成獄活四命是也蓋前守徧徇鍛鍊而成者且再踰碁無愬矣章子以誠心爲政故能得其可疑之端廉之果得本賊一訊立承而四人者獲釋嗚呼今之君子能畱心疑獄者罕矣況獄成已久謂爲不疑者乎於此畱心其他政事

宥苟焉而已哉且匹婦嚙冤能致大旱若郡常冤數人天下凡
幾郡歲所冤何啻數百千人耶今當隆盛之世而和氣未應沴
變間作殆有繇然肆我 皇上恒軫 欽恤比 詔天下輒申
苛濫之禁然爲有司者仰稱 德意猶有未至使爲守若令者
皆如章子則所以當 天心召和氣庶其在此所謂式敬爾繇
獄以長我 王國不有賴乎哉此余所以重有感於章子者也
抑余又聞章子教士諭民輒示以心然則章子之政本諸心也
自真西山輯心政經能體而行之者蓋鮮章子真其人哉余又
欲以章子之心示諸凡長民者噫誠有章子之心施于有政何
啻一獄而已一郡而已章子勉終之吾方有望焉爾

太元公壽序

萬曆十七年己丑古虞葛曉

萬曆十有七年歲在己丑夏五月十三日爲章長公孟嘉懸弧之旦於是長公年五十而尊君寧州公亦七十有九矣凡所友善於長公者皆聲諸詩歌彙冊侑酌者觴謂不佞可無一言乎時不佞將爲豫章遊行李戒途勢旁午卒無以應遂攜其冊與俱不佞無能爲言請得以目之所擊者爲壽可乎自余遡錢塘過富春嚴灘而上也水逆流淫雨泛漲當七日至常山者行十餘日始得過懷玉自懷玉而河口爲順流當一二日至者以風逆行數日始得泊貴溪繇貴溪而抵南昌策其常則五日期籍

令鄱陽阻石尤雖十日未期也時風駛布帆未三日遂維舟騰
王閣之下矣然則始之日一何濡滯而後之日一何迅速耶抑
事有偶然而不可憶測耶是不然蓋艱于始者未有不利於終
拂於前者未有不快於後嘗論長公少抱奇資攻博士家靡不
精詣又從寧州公宦遊所接海內名流內行闡然卽取一第爲
世佳士若承蜩然數奇輟試困於鄉思以太學顯遂遊太學上
舍太學多四方豪俊見長公文行無不心屈推轂長公後數奇
南北凡幾試俱不利意稍稍倦遊而寧州公年且高孝養之念
起矣於是家居承歡之暇盡謝經生言取古文辭騷雅莊老列
禦寇等書讀之窮日夜不休以不佞與沈山人嘉則徐山人文

長狎主齊盟樂從與遊謀千秋之策爲聲詩無險易立就書宗
二王唐谷卽恥譚世推轂長公者在外則外重在鄉則鄉重卽
如太學諸生時而長公之名成矣何羨於一第其爲失得章章
著也又長公艱於嗣寧州公唯長公一人其急欲得之也如藥
餌禱祈婢妾靡所不至愈索愈遠一旦舉女子一人少選又舉
一丈夫子今其子歲可五六玉骨冰神足稱千里駒凡此皆非
長公少年事矣不猶始之以七日不可而十餘日一二日不可
而數日者乎今名成得賢胤日夕奉令公歡卽旦暮爾不猶五
日十日不可期而速於不三日者乎長公身履之未必喜喜未
必甚余亦非叨叨好爲長公言當余滯前途險恠叵測寧無憂

惻之心及登彼岍始貼然釋况道寧州爲長公熟遊地乎長公
幸無過求猶以乘軒策肥之事不遂而介諸懷也比長公歷五
十境似晚似佳矣過此而公年漸高境漸晚履漸佳長公勉之
不佞客宜陽未得遽歸以從觴者後先書此托便羽以壽長公
當必持余言以上令公令公當必大喜輾然曰微山人其知余
心哉吾耄有孫萬事足矣吾爲汝觴因以觴汝客

遜菴公致仕還會稽序

成化十年甲午賜進士第奉直大夫翰林院侍

講長沙李東陽

遼東行太僕寺少卿會稽章公用輝三疏請老 詔許以其官

致仕君既得 命卽入謝辭告行于朝大夫士時成化甲午九

月日也君始舉進士拜職方主事改武選遷車駕郎中乃有遼

東之行蓋在官餘二十年年六十有二矣君材力通敏所領職

皆 國大務最重且繁而君夙夜進退未嘗廢事項與征討著

有顯庸一時上下之間見譽爲才比其將去多惜而留之者則

以其意諭君君曰科舉取進士官至四品有金緋之 賜在分

爲足吾聞知足不辱知耻不殆古之義也若吾之所不得爲者
弗敢幾亦弗敢疆也吾意決矣于時交游聞者莫不嘉之曰賢
哉章君賢哉章君君且去則相與置酒張東門外車駕郎中汪
君時用君鄉人也授簡於予予曩道東南下桐江汎錢塘望會
稽愛其山水奇絕信古之所稱述者不妄意其間必有高人隱
士或仕而歸其鄉者嘯歌吟諷以樂其樂予家于官不得爲江
南布衣與之相從乎其間雖欲爲司馬大史之游有不可得者
未嘗不往來於懷焉君少生茲土壯而仕老而歸載酒命客登
高能賦其爲樂固有不可得而易者予又聞君居偃山而族最
盛家食數千屈指登仕籍者多至不能計若君從父質庵公從

凡用欽皆爲禮部侍郎從弟用誠爲太僕少卿及君其顯者君
乃能以功名始上不辱其家世下足以儀範其後之人此又
士之至難風俗之所不可闕者也故爲君書之以贈其行

... 易之理也 ... 君子居則觀象而玩辭 ... 動而玩其辭 ... 居則觀象而玩辭 ... 動而玩其辭 ...

... 君子居則觀象而玩辭 ... 動而玩其辭 ... 居則觀象而玩辭 ... 動而玩其辭 ...

... 君子居則觀象而玩辭 ... 動而玩其辭 ... 居則觀象而玩辭 ... 動而玩其辭 ...

... 君子居則觀象而玩辭 ... 動而玩其辭 ... 居則觀象而玩辭 ... 動而玩其辭 ...

會稽侖山章氏家乘彙集卷之六

侖山世範

雜記

附銘賦歌

慎獨先生損菴記

至正二十六年丙午譙國戴良

越有隱君子曰章君元善居郡城之東偏北倚崇山西連大澤
是爲稱山之里予嘗造焉獲與元善遊而嘉其有志乎自脩也
爲之握手低徊不忍舍去者久之一日元善顧予而言曰某也
不敏竊嘗以損菴名其燕私之所矣予幸記之使朝夕考覽庶
有以自勵也則復之曰損之爲卦上艮下兌山下有澤之象聖
人因象立教曰君子以懲忿窒欲夫君子自修之道其所當損

者惟忿與欲能懲之而窒之則可損過以就中損末以存本否則私勝理滅爲害詎有涯哉今夫山一氣之時爾及其至也岳
厓之突兀巒嶂之峭峻于霄漢而薄星辰天下之物莫得而踰
焉然怒氣一發獨得而方之今夫澤一竇之流爾迨其後也百
川之所趨衆壑之所會包原隰而浸丘陵天下之物莫得而加
焉然情竇一開獨得而比之此忿與慾不能懲之窒之之喻也
元善居乎是山是澤間則所以睹山之崇而思懲戒其忿怒眦
淬之大而思窒塞其情欲於以致夫自脩之功者宐必有所取
徵矣先儒謂懲忿如堆山窒欲如填澤豈非元善其人乎元善
又嘗以慎獨揭諸座右矣慎獨云者省察之事也誠能卽是以

致力焉吾見其克已私而復天理曰忿曰欲且將消釋於念慮之中亦何事於懲窒哉元善自脩之功至是而益密矣世有若人予忍舍之而去乎

慎獨先生損菴記後

戴良

予遊會稽訪章君元善曹江上元善請曰某也不敏向名所居之室曰損菴惟義之大服之數歲而若存若亾願吾子辭而達之庶可朝夕觀省以無忘其所有事予答之曰夫天高地下而二氣五行升降乎其間造化之發育品物之散殊莫不各有本然之性焉其在人則仁義禮智信是也故當事物之未接思慮

之未萌而其本靜矣若夫感物而動既有逆順而情有忿欲則其性之失而非其本然者也是故聖人之作易也於損卦之象而爲之教曰山下有澤損君子以懲忿窒欲所以正其性也正其性者存其本然之謂也曷之用二簋可用享二簋質簿之器而可用之於薦享非存其本而何而世傳之言有曰人性本惡其意以爲忿之與欲皆性也必賴聖人爲之教然後二者去而善立此不知性之本然者言也今夫鶴也其頸長鳧也其足短乃其本然者也初不可損此以益彼也今而曰忿與欲皆性也必賴聖人爲之教然後二者去而善立則是損鶴之長而益鳧之短也夫所謂本然者矣其可乎是故禮奢寧儉聖人所以存

敬之本也喪易寧戚聖人所以存哀之本也忿欲之懲窒聖人所以存性之本也其本存矣其教行矣於是人欲盡而天理復父子以之而親君臣以之而正長幼以之而序朋友以之而信夫婦以之而別好惡忻戚以之而中節百骸九竅以之而順令君子脩身孰有大於損道者乎損之爲道所以能得其大者亦惟使人各盡其性而已矣初非奪之人欲而予之以天理也吾故曰世傳之言蓋不知性之本然者也欲盡其性亦有道乎曰主乎靜而已艮其背不獲其身行其庭不見其人主乎靜也且晝之梏亾則夜氣不足以存無欲則靜也夫靜所以制乎動也能制乎動則是性之在我無乎其不盡矣雖然此固予與元善

之所共知者也予能言之元善亦能言之也若老子所謂爲學
日益爲道日損損之又損以至於無爲無不爲者則元善能知
之予不能知也不能知則亦不能以言也然則元善所取者其
彼乎其此乎元善不以告予亦不得而知也

右損菴記九靈先生爲章府君作首篇音氏所藏原稿具在
後篇則先生集中刊定本也先生以文名家而脩飾潤色不
苟若此嗚呼文豈易言哉府君之孫主江寧縣簿克安屬予
重書入卷遂併錄之庸俟觀者審焉

正統四年己未雒陽鐫師邵記

適安堂記

永樂十二年甲午賜進士第翰林院學士廬陵

解縉

越城東五十里許會稽章翁之家可道在焉左舜江右鑑湖其北爲大海其南則南鎮禹穴千岩萬壑諸山尋幽討勝未嘗不自適也翁有田可耕有園可蔬讀書教子起家飲食又未嘗不自適也於是諸大夫名其所居之堂曰適安令子敞以永樂甲申進士選入翰林績學中秘纂脩諸書大全徵言於予余謂君之適安也豈惟其山海之觀歟曰未然也豈惟其起居飲食之適安歟曰未然也然則豈有出於其外者歟翁超然於事物之

表而泰然於熙和之天上焉有祖考省元之慶而下焉有子姓
太史之賢其胸中固無適而不自安也而豈假於外哉如有假
於外則安危與物爲對而且相爲倚伏矣請以復於君爲之記
適安堂記

永樂十二年甲午賜進士第翰林院脩撰錢塘

王洪

物之患生於不足夫不足天也非人之所能爲也夜明者不
以代晝高者不能以禪下寒者不能以兼暑天地且若是也而
況於人乎而況於物乎鵬起於大澤之波駕長風翼青雲翱
翔千仞不能以足焉駿良蒲梢天下之逸足也而不羽焉仲尼

之聖而窮顏淵之仁而天伯牛之賢而疾澹臺滅明之德而惡
皆天也非人之所能爲也有人於此見富農得歲也仰天而呼
之曰天乎我何以能若是出而見百工交易也曰我何以能若
是又出而見卿相之貴也則又曰我何以能若是退而見耄耄
之老萊綵繞膝蘭桂盈庭問安侍膳則又曰我何以能若是外
以勞其形內以勞其心悵悵焉何之吾見其終日營營沒身而
不可得也豈非惑之甚歟故曰至富不以府庫之積至安不以
車馬之奉至樂不以聲色之近惟有道者能之會稽章適安翁
世居偃山鑑湖之曲有屋數楹僅蔽風雨有田百畝僅足飲食
子孫滿前日惟學詩學禮於是適安翁年彌高矣其居休休其

行徐徐其色津津泰然無不足者嘗語人曰食吾飽而已矣居
吾安而已矣吾何求焉且夫以吾有限之身而欲盡意外無窮
之欲以一人之精神而欲求天地聖賢之所不能以吾知萬有
不齊也然則吾何爲而不自適焉於是名堂曰適安從而歌詠
其賢以警勵世之不足者噫翁之賢其進於是矣古之君子出
處進退知皆出乎天而不可必故富貴不加益貧賤不加損以
大有爲而無所屈撓嗚呼此翁之所獨得他人不足以語此也
翁之子敞繇進士與予同官翰林夙承家學望重海內故吾於
翁之賢尤素所祇承而仰慕之者其可尚也大其可警也夫

適安堂賦

賜進士第翰林院庶吉士星

渚盧翰

有會稽章適安先生皓首龐眉博帶深衣澹乎無欲泊乎無機
習飲衡門之下寄跡泌水之涯誦詩書而不倦蹈規矩而不違
友五柳先生以爲徒招谷口子真以爲伍等無懷葛天之民儕
箕山潁水之侶吾知其有道而隱者乃趨而追伏而拜先生欣
然而悅離席而待披胸臆而談笑聆奇妙於磬效語間指其堂
謂余曰吾偃仰乎茲廬甘林泉以自娛惟適之安綽乎起居子
庶幾於知已盍爲賦諸予乃濡毫援簡欣然而書若夫會稽之
山雄峙海隅秀出南斗之傍俯矚東溟之瀨叅差而綠樹落陰

潺湲而飛瀑鳴竽林鳥哈哈而鳴春山風閃閃而浮湖爾其凌
犖踊躡崎嶇幅巾藜杖翩其步趨探禹穴之勝跡陟秦望之故
墟招逸少於蘭亭之陰呼靈運於稽山之岨寄閒情於泉石挹
清趣於林壑此非先生之適安乎至若鑑湖之水東接滄溟吐
雲吸霧一碧萬頃菱芡生而綠霧漲芙蓉吐而紅霞蒸孤光迴
風而陷日雄勢浸碧而涵青爾其乘畫艇揚輕舠浮翠波戲綠
汀呼漁父以同載訪仙人之舊亭邀賀老以問訊揖志和而結
盟期忘機於魚鳥滌煩囂於清泠此又非先生之適安乎若夫
綵衣懽動於膝下桑梓茂鬱於庭前展牙籤以怡悅恣吟咏以
舒宣瑤琴奏南薰之操玄鶴鳴北沼之壖歲時伏臘割肥烹鮮

會族黨以相樂招朋儕以開筵優游怡愉和氣溢然此又非先生之適安乎先生曰有是哉有是哉異乎吾之所爲子之所言可以爲適而不足以爲安也故昔謝康樂窮山林之遊卒貽乎白壁之玷范蠡縱五湖之觀徒蹈乎風波之險溺所處之逸安拘玩好之恣便將戚戚之心生紛物欲之交戰雖欲適安其得乎曷若去聰明禁嗜欲齊得喪忘禍福遊神於萬物之表馳情於六合之外叅造物而同遊與天機而相會不妄意以求他不縱欲以自敗不營營於所樂不屑屑於所快不憂不得不虞不大處富若無處貧若泰每隨遇以自得亦僥倖以爲戒奚富貴之動心何貧賤之易戒熙然襟懷之自適怡然志趣之超邁此

所謂之適安而吾志之所在也予曰此先生所以與道相安以
理自處置身於無何有之鄉遊心於不識不知之所誠世人之
所未解而吾之所未覩也於是欣然一笑長揖而退

適安堂賦

永樂十二年甲午賜進士第翰林院脩撰文江

羅汝敬

會稽章可道先生神情超邁襟次冲漠不規規於固必不役役
於他岐誠先達之時中者與嘗題其堂曰適安取昌黎盤谷語
也汝敬幸辱年家重愧不類茲特賦焉快慰何如噫先生方當
以道德鳴世而乃恬退偏山屢膺薦徵終不肯起夫安則適矣

其如天下之仰望何雖然玉蘊山輝珠藏澤媚其必照應人者
姑賦其節槩平生如此其出處心迹之機淵源頤豫之妙則有
俟於秉史筆者焉緊省元之華胄兮夙孕靈於少微企高風於
鴻龐兮邁流俗於標枝構道德以爲珮兮被仁義而爲衣羗壯
齡之甫戾兮遭胡俗之靡疲衆方肆爲詭遇兮紛總總其騖馳
已獨羨夫恬退兮乃優游以遐處友偁山之明月兮侶鑑水之
清風攬白雲以薦席兮隱玄霧而修容餐玉芝以爲糧兮躡燿
霞而寓蹤解纓組之縻繫兮脫紳紱之微纏屏倥偬之訴牒兮
削他岐之蹠跡朝洗耳於清流兮夕漱齒乎白石暨強仕之倏
迨兮當大明之麗天群龍燁其滿朝兮玉虬遂其蜿蜒鳳凰翮

其覽輝兮亦何先乎鷹鷂爰安步於義路兮舒曠怡之初服熙
群顏於芳潤兮曷有俟夫膏沐供董苴於道腴兮亦奚羨夫梁
肉追遺躅於杏壇兮樂絃歌以逍遙仰章縫之濟濟兮想燕居
之天天契冲襟於顏鄒兮又何慕乎松喬邈吾棹於學海兮返
南轅於聖域哂莊生之蝶化兮悲阮氏之涵溺顧匪然而匪尤
兮其何之而不得般懸車之駸駸兮思佳境於桑榆撫化機之
消息兮順流景之盈虛指祿壽以爲朋兮侶造物而爲徒維餌
甘以引年兮此固予之所志也亟屠釣以千世兮亦豈予之所
計也羗擊壤之足娛兮偕堯黎於康衢矧大塊之不我違兮且
返觀乎古初乘無爲以恬熙兮樂天命其復何如諍曰蠅營鼠

餉質其春兮幕巢穴居軀則殛兮時厥起居安且適兮君子秉
心疇克射兮

適安堂賦

永樂十二年甲午賜進士第通議大夫刑部左
侍郎三衢吾紳

有憑虛公子與適安先生遊於鴻濛之虛憩於廣漠之麓高談
吐蘭長嘯流馥道古今之是非論休咎之倚伏敘功勳於上世
誇榮耀於前囑先生是正襟危坐而揚言曰嗟夫美璞蜨蚸
孰知爲玉太音希夷不諧於俗子徒知崇高之爲貴而不知幽
隱之遠辱獨不聞之李愿之盤谷乎高蹈遠引深居寡出塊礫

珠璣泥塗簪紱視富貴如浮雲等功名於坭埽陶陶乎羲皇之
世皞皞乎葛天之日巢父何足比涓子不能匹是蓋將與造物
者遊而怡神於無何有之域也爾乃竹杖芒鞋野服黃冠撫琴
書以舒情玩松菊以怡顏或尋芳而出壑或跳遠而登巒蔭茂
樹以逍遙循幽谷而盤桓月上林端聆臯禽之夕戾風生天際
聽林籟之曉珊珊黜陟不吾知刀鋸豈我干噫斯則所謂適安也
其公子之所不取而吾儕之所願扳者乎蓋嘗承藉省元之高
風臥傍東山之別墅磽確數畝足以供朝夕之奉茅茨數椽聊
爲起居之處甘恬退而自安不矜能而絢美麋鹿吾爲友白雲
吾爲侶招逸少以夷猶呼謫仙以容與朝登秦望嘆盧敖之遺

踪夕泛鑑湖想季真之逸趨雖未能以李愿之德自修亦庶幾乎盤谷之隱自許吾心之所樂者若此而公子以爲何如公子於是避席而起揖而言曰隱而適安則愚也旣聞命矣出而適安則先生之未知也昔伊尹耕莘成湯隆三加之聘太公釣渭文王崇俱載之榮矧今 聖皇在上天下文明洛水呈圖岐山鳴鳳臨軒策士方恢羅俊之綱側席求賢夙置禮賢之珍故巖穴之彥皆得以置身於廟廊山林之秀莫不列職於 朝廷具鼎而食安車而行若先生者豈可以終隱而弗見徵乎先生於是輒然微笑俛而不答第出適安之卷請書其事於簡末

適安堂歌

有序

永樂十二年甲午賜進士第資德大夫詹事府
正詹事臨川王英

會稽爲天下名山千岩萬壑古今稱多隱德君子今章可道
先生其人也隱居求道不與時俯仰者凡七十餘矣其言曰
吾老矣幸免愆尤於人也吾之志其有在乎吾之子其有承
乎乃題所居曰適安學士大夫遂皆稱之曰適安先生者高
其行也余因爲之歌曰

稽山邈乎逶迤鑑水碧乎漪漪帶平臯兮以沃衍結蘅茅兮水
之湄憩荒濱兮寂寞抱幽獨兮寡知君何爲兮若茲遠步涉兮
崔嵬以吾道兮自適暢余懷兮何之歌滄浪兮濯纓采蕨薇兮

療饑隨我寓兮可樂何有羨乎輕肥飄飄兮輕舉豈樊籠兮可
羈雲飛兮漫漫日翳翳兮下山深林兮鳥還人寂寂兮水潺潺
陰谷兮層巒於此兮盤桓彈琴兮石上倚杖乎雲間忽長嘯兮
明月風泠泠兮夜寒朝夷猶兮夕止樽有酒兮爲懽列蔬菓兮
紛紛兒女兮中堂髮脩脩兮垂白幸餘年兮且康企鹿門兮遠
趨淡煙樹兮微茫渺予懷兮思君時引睇兮相望

適安堂歌

有序

永樂十二年甲午賜進士及第翰林院侍講學

士盧陵曾棨

澗水之東有隱者章可道先生家會稽之陰實據山川之勝

其北則備山隱然若起若伏以大海白波際天東上則爲舜
江孝女曹娥之所從沒也西望鑑湖泓然一碧唐人賀知章
之流風餘韻猶有存者南望齋臺峻絕千尺越王勾踐所以
齋戒而祀天也西接秦望始皇南巡至此升高以望庶幾徐
市入海而將返也於是環會之奇觀勝迹萃於先生之廬如
在衽席之下先生有宅一區有田一厘有園有池有琴有書
幼而壯壯而老爵祿聲利未嘗一入於心其飲食起居自適
而甚安也先生之言曰人之所以不能適且安者累於物故
也蓋人不能以無欲苟無所累則物之可以足吾欲者有盡
而吾之所欲者無窮日見其不足耳心有所不足而欲其適

與安是猶逆行而求前倒植而期茂未見其能得也故有富
貴終身而戚戚然不得其樂者無他焉有以累之耳今吾黃
冠而葛履水飲而糲食吾心休休焉而無不足此吾之適以
安也吾何累乎哉於是鄉唐處敬先生是其言題其堂曰適
安以美之學士大夫又從而歌咏之余與先生子敞同登進
士同官翰林辱先生父子教愛甚篤相知最深爰記斯堂之
勝遂爲之序而歌之曰

禹鎮之陰有堂翼兮琴瑟在御圖史秩兮清風吹衣月在席兮
乃寢乃興安且適兮又歌曰舜江之上有堂盤兮飯蔬茹淡樂
循循兮心旣廣兮體則胖兮優哉游哉適且安兮歌闕先生之

子啟請書於卷端云

...

...

...

...

...

...

...

...

...

翠微樓記

永樂十六年戊戌賜進士第資善大夫吏部尚
書臨川王英

會稽章適安先生構樓于所居之後以四面皆湖山名之曰翠
微樓先生既終於壽考而先生之子天官卿尚文氏屬予爲之
記且曰此先大夫遺志也子可無言乎尚文嘗與予同官翰林
迎先生就養於京師因得詢其所謂翠微之勝先生曰吾之所
以樂此者可以備遊觀之美也鑑湖之淵渟滴於西備山之崖
聳峙其北逶迤而東則舜江也其流浩渺遠達于海不可窮極
而其近之可挹者南有稷山焉奇秀深窈亘數十里而與禹鎮

天姥諸峰低昂迴伏若萬馬之騰驤劔戟之排設朝夕晦冥雲
雨出奇煙霧變態卉木呈祥蒼蔚之氣與湖光掩映至於鳧鷖
之出沒品物之流形極乎遠而不可見者吾嘗憑欄縱目一覽
而盡得之於是意有所愜凡吾目之所寓者其中超然有以自
足吾將歸而佚老於此子其爲我賦之余謝以不敏孰知先生
竟不可見矣嗟夫先生之雅致如是抑豈不可重者耶常人之
情有百金之資則自務以驕侈有百畝之產則自安于逸樂獲
鼎食之養者則自矜以尊貴繇是鳳巖壑而慕朝市悅膏粱而
喜文繡欲誇大於一時者余往往見之先生爲省元之孫繼述
承家產業之厚祿養之榮而心則未嘗有羨乎此獨於斯樓有

所樂焉歐陽子之所謂志在山水之間者惟先生有焉其異於人遠矣尚文方顯揚於時雖去家日遠然而思昔之侍先生萊綵於茲晨昏定省侍膳左右今不可得矣其孝思寧有旣耶夫心有所思而不能忘者斯足以繼前人之志尚文其能之則樓之勝景先生之高風雖歷千百世而不泯也余因是而重有感焉庸書其實俾登茲樓者非徒覽觀山川風物之美且知先生之志趣而尚文足以繼述之也

其意而而文其以辭也

其意而而文其以辭也

其意而而文其以辭也

其意而而文其以辭也

其意而而文其以辭也

其意而而文其以辭也

其意而而文其以辭也

其意而而文其以辭也

靜菴記

宣德三年戊申賜進士第承事郎翰林院修撰
臨川王英

會稽章處士以靜菴自號間來徵記其言曰余之名敏而字尚
學者蓋敏必貴乎學也然慮非靜無以成學乃因諸葛武侯之
意自署其藏脩之所曰靜菴庶幾屏斥外紛專養內志以爲進
學之地耳子幸一言以發其旨可乎噫靜之時義大矣顧英烏
能知之亦烏能言之哉雖然嘗聞之矣周子曰聖人定之以中
正仁義而主靜立人極焉而大易以艮居東北爲能終始萬物
艮卽靜之謂乎靜也者天地以之化聖人以之立人極者也

而况於學者乎故大學之教必曰靜而後能安慮得蓋靜謂心
不妄動心不妄動則目斯不役乎色耳斯不役乎音口斯不役
乎味鼻斯不役乎臭與夫四肢百骸舉無撓亂而天君泰然萬
境澄澈日用之間安往而不得其所哉此靜所以能成乎學也
士苟有志於聖賢之學舍靜其何以哉觀處士之自號其志固
有在焉處士恬淡寡慾雖處富饒而能以儉約自持綜理家政
外恒手一編兀坐終日不倦凡古今理亂人物臧否瞭然於胸
中其季尚文方以經術致位通顯而處士乃隱德弗耀若將終
身人咸以伯華之於叔向歸之謂非其平日靜養之功能若是
耶處士可謂顧名思義而先自砥礪者矣將所至也不底於聖

賢之地不已焉抑處士所居偃稷二山對峙於前後夫山之體
至靜也而處士生於斯處於斯游焉息焉於斯一呼一吸與山
通也一視一聽與山接也其得于靜養之助不旣深且久乎傳
曰仁者樂山然則處士固仁者尚於學乎何有請於是爲記

三桂堂詩序

正統元年丙辰賜進士第資德大夫詹事府少詹事泰和正直

三桂堂詩若干首士大夫爲禮部侍郎章君作也章君居越之會稽高祖斌宋景定中鄉舉第一人至君復以詩經與予同登永樂甲申進士第宣德初北京行部鄉試君次子瑾又以詩經中其科縣令丞表厥里曰三桂坊鄉人老長皆以爲榮于是又以三桂名其堂士大夫聞而謠詠之章君不能止也旣成卷矣乃以屬予序昔晉武帝策士東堂郤說射策居第一嘗對帝曰臣對策如桂林一枝崑山片玉繇是擢第者皆取喻于折桂見

于前人詩多矣夫科舉者行道之士所繇以入之途也然能世濟厥美者鮮矣道非不足以延其世蓋有違道以壅遏之者是故勃然而興泯而莫之繼者比比是也惟謹于仁義之君子旣以善其身又以善其後人後之人皆勉而承之是以能相續于無窮于乎其可多得乎哉章氏故以儒名家旣大顯於景定積之之久則又顯于君衣冠赫奕前後暉映君之清才懿行旣足以爲邦家之光閭里之榮今瑾又試進士駸駸通顯矣其前人之所以善身與後之善繼皆可知也則以三桂名堂而譎詠之豈非宜哉抑予聞之桂芳烈之物也古之君子以善自治每託意于桂且當寒沍之際而有後凋之節君子之守道不變者似

之以之爲藥可以已疾而延年君子施澤于民使享樂利于悠
久者似之章君其兼休焉則章氏之桂與王氏之槐等矣蘓子
所謂德之符者又于此見之繼君者尚益勉焉則豈特三桂而
已哉蓋累累而三之未見其止也姑序其詩以俟

三桂堂記

正統元年丙辰賜進士第榮祿大夫謹身殿大
學士建安楊榮

禮部侍郎章君尚文作堂于會稽徧山之陽其鄉士大夫相與
名之曰三桂之堂堂之前植桂固多矣而以三云者何自晉郗
生對策有桂林一枝之喻歷唐宋來遂以艷科目之得儁者曰

招桂章氏繇宋迄今舉進士者凡三人故有取于是也尚文世家于越高大父諱斌宋景定間鄉舉第一人值未運仕弗大顯傳三世俱以隱德重鄉邦大父暨父以尚文貴皆贈嘉議大夫禮部右侍郎尚文登永樂甲申進士第入翰林典郎署累遷至今官子瑾宣德丙午領鄉薦正統紀元遂擢進士高科此堂之所以名也堂峙湖山之間其北爲偃山山枕大海出雲氣而吐光景朝夕不窮南爲稷山一名齋臺則越王勾踐祭天之所在焉又其南天姥秦隄諸峰凌霄漢而隱煙霏鬱然相向娥江耶溪之水環繞其左右而唐所賜賀知章鑑湖一曲者寔相屬焉波光山色竹樹映帶奇舒秀卷不一可名此居之勝而得其地

也夫綿世澤而盛者人之賢鍾川岳而秀者地之靈人以地靈地因人勝章氏之桂不特一世有之傳世愈遠而得之者凡三焉是豈偶然之故哉雖然推厥所繇亦惟本諸德而已耳姑以桂譬之玉幹瓊枝植之良也密葉繁陰積之茂也金粟天香花之盛也傲歷風霜操之堅也故君子有取于桂者不徒擬其榮又將賢以比德焉尚文之高大夫名魁多士大夫而下雖未達而均膺寵贈德可徵矣尚文以高才碩望顯于朝二十餘年而瑾又克繼濟美振揚于今雖本世德之遺亦以尚文承藉啓迥之致也繼茲以往因其植之良而積愈茂因其華之盛而操愈堅吾見德厚而慶延他日後之人于斯桂高攀旁折也不可

章氏家乘
以數計矣然則斯堂之揭得不爲之權輿乎是爲記

三桂堂賦

有序

正統元年丙辰奉議大夫衛府長史司左長史

三衢金寔

三桂堂者今春官二卿章公之世居也章氏代濟文獻于越自公之高祖至公及公之子五世而三擢危科邑大夫表其里曰三桂公因用以名其堂蓋不忘世澤示訓于子孫也堂在儒山之陽且盡得會稽山水之勝予因想像爲賦用勉其後人承休緝慶于綿綿云

邇越江之滔滔兮維予棹乎江之滸緬稽山之礪礪兮遙揖乎

秦望與天姥齋臺巖竊以前聳兮稱峰鬱其後負枕渤澥之湯
湯矣沃日月而吞吐曹江委蛇以激湛兮挾鏡波而東注思前
人之不可見兮悵徘徊而不去睠林壑之深秀兮步容與乎山
陰殿華堂之翼翼兮藹芳樹之成林灌三秀於階除兮同本根
之一氣象喬梓之頰叩兮儼森森其有序承上天之雨露兮滋
厚地之靈液葉沃若以屯雲兮陰輪困而蔽日旣含章于九夏
兮又蘊美乎三春當衆芳之搖落兮獨超然而逸群葩離離而
璀璨兮若鎔金之在冶氣方冽以悠揚兮類萬斛之傾瀉當四
顧之澄清兮素魄懸于中夜湛金波而見影兮忽婆婆而在下
昔厥祖之好修兮先多士而獨步躡青雲以折枝兮竟踟躕于

末路羗時命之不常兮曾弗展其大猷將造物之故恡兮用貽
厥于孫謀食累葉之餘慶兮鍾光岳之間氣步雍容于岩廊兮
鏘璫琚與玉佩鸞鷲產于丹穴兮向朝陽而載鳴絢九苞之文
彩兮麗丹青而蜚聲何邦君之好賢兮用表厥其宅里肯構聿
其告成兮揭嘉名以爲美祐手植而善培兮旦得之爲三公鈞
邁種而厚滋兮五子卒用之以奮庸遺子孫以積善兮若符券
之不爽望德門之渠渠兮庶邦人之景仰乃誥曰樹團團兮花
爛熳兮仁爲根兮義爲幹兮善以培之兮澤旣灌兮以滋以長
兮夜而且兮勉勉循循兮無間斷兮一生二兮二生三兮將後
來者繩繩兮而無筭兮

三桂堂銘 有序

正統元年丙辰賜進士及第榮祿大夫武英殿

大學士盧陵陳循

會稽偁山有名家章氏焉宋理宗景定間斌舉於鄉爲第一人其後中禮部會試者 國朝永樂二年敝第四人正統元年瑾第七人敝斌玄孫瑾之父也自斌至瑾五世而三人者名顯科目鄉邑因匾其里曰三桂里其堂曰三桂堂古者有善則以表厥宅里示勸此之謂也至于鄰氏一枝竇氏五桂人皆取以喻一時之美章氏宅里有名與所以名之義有自來者如此嗟乎一枝已足詫矣而况三乎出於一時已足貴

矣而况于世出乎斌值宋運衰去隱約而止敞父子遭遇

聖明皆得賜進士出身以顯敞字尚文今累官禮部左侍郎
有譽望于天下暨瑾俱駸駸然遠大之域未可量也一桂奚
足爲之詫哉嘗求之桂雖微物然其根培之厚則發爲榦也
大榦大則其枝從而茂此自然之理也君子植德于始有同
其根德厚則慶之流于遠亦如榦與枝之大且茂矣宋王氏
之三槐可徵則章氏之三桂豈真無足詫耶侍郎公與予同
脩五經性理大全諸書至今相好最久瑾又予考禮部試所
取士故屬予以銘銘曰

會稽於越如岱在魯曰稷曰偁前瞻後顧鑑湖娥江秦望天姥

周覽于堂羅列階戶堂開巍巍面高臨清挹奇據勝毓秀鍾靈
有書在牖有桂在庭祖孫相授本枝同榮猗與三桂惟德所就
根榦枝葉匪德弗茂千歲四時德乃可久恤德或懈栽培徒厚
偉哉章公再世顯榮旣茂且久與桂俱崇雖肇自昔實簡于躬
我銘有徵來繼何窮

...

...

...

...

...

十桂堂記

嘉靖二十年辛丑賜進士第嘉議大夫

部左

侍郎中川王教

天下之材植之惟天養之非天猶夫材焉耳人無得而稱之也
自棟宇之用以至於前用之資莫非材也養之者存乎人也天
固弗能與也若夫植之惟天養之惟天人力弗能與焉者斯固
非常之材也無惑乎後世之稱弗容口也嘗聞古昔有月桂之
說而榮夫取科第者輒以擢桂擬之夫天體輕清弗容植物而
獨宜一桂殆誣也惟夫桂香於秋月明於秋明與香俱盛士之
登科第者際會文明流芳不朽卓乎材之非常焉者不猶登天

步月折桂之奇遇耶榮而稱之無惑也我會稽章世復氏匾堂
曰十桂蓋其座主翰林學士溫公仁和揭之以侈其榮者自其
中嘉靖壬午京闈鄉薦遡先有高唐方軒魯齋拔雋癸酉壬午
乙卯省闈有克齋西軒二郡守嘗登成化戊戌正德戊辰進士
遁菴公繇景泰甲戌進士歷官太僕卿質菴素菴父子二公相
繼登永樂甲申正統丙辰進士累遷左右少宗伯其八世祖諱
斌在宋景定甲子科發解第一人是何章氏之多材耶嘗聞其
先世植陰德廕裕後昆天固有以植之也啓其聰明相其勲業
引之弗替天固有以養之人蓋弗能與也章氏今爲東南望族
彼弗追章氏者視之不猶夫桂真在月月真在桂可仰而弗可

卽耶固非人之終莫能與也其諸弗違夫天也已天以植之卽
天之植天以養之卽天之養人蓋未始不可以爲天也嗣後姪
若南洋東稷竹渠中丙子乙酉甲午鄉試若東偏雙渠登戊戌
辛丑進士其族之抱藝待試者方洗洗然他日嗣續桂籍惡可
以數計耶若都憲畏菴公璠下以制科起家者數人尚弗與焉
信乎章氏之材之盛有以獲夫天也質菴名敞素菴名瑾遁菴
名瑄高唐名以誠克齋名忱方軒名軫西軒名槩魯齋名柔南
洋名元紀雙渠名美中東稷名大綱東偏名煥竹渠名秉中世
復氏名季號海崖厥嗣元綸以予辱一日之長實持狀來徵予
言以志之元綸蜚聲辟雖足紹家學侈其庭桂奚啻首堂

十桂堂記

嘉靖二十六年丁未直齋高公佐

海崖章翁世家會稽 備山卓然爲東越望族其八世祖元入府
君中宋景定甲子宏詞科發解省元入我朝其四世祖質菴
公繇甲申進士歷內翰刑署驗封考功官至左少宗伯奉勅
纂修經書性理大全兩使安南有撫靖之功焉其叔祖素菴公
繇丙辰進士歷禮科都給事中官至右少宗伯叔祖遁菴公繇
甲戌進士歷兵署太僕寺卿其從父克齋公繇戊戌進士歷太
僕丞曲靖知府其從兄西軒公繇戊辰進士歷御史夔州知府
其叔祖高唐公伯父方軒公從兄魯齋公繼登癸酉壬午乙卯

省闈及我海崖公登嘉靖龍飛首科壬午京闈魁選時翰林學士華陽託齋溫公堂邑玄菴穆公承命典試爲海崖公中式座主俱有十桂堂匾以美之若乃姪東佃公雙渠公登戊戌辛丑進士南洋公東稷公竹渠公登丙子乙酉甲午省闈及其叔祖畏菴公繇制科歷都憲爲質菴公子時稱父子三卿兄弟三卿者俱不與焉噫嘻盛哉乙巳歲海崖公擢我郡大夫譽望日隆台斗履近閱三載其冢嗣南淵子省親至邵屬予爲記夫桂植異種天香不凡古今士之取科第者多擬之以爲榮蓋有足取者與昔竇諫議有五子目爲五桂人猶以爲厚得于天不可易及况祖孫繼盛而十桂聯芳况今且又倍其數日益盛也信

乎得于天者爲獨厚也已雖然非天獨厚章氏也予聞章氏世
種陰德積善不倦而省元公下諸公植忠秉孝克養素裕其脩
于人也無不至天寧不佑庇之與是十桂之堂天人交至而
獲名者也然予猶有說焉嘗誦先儒之言曰莫爲于前雖美弗
彰莫爲于後雖盛弗傳章氏之爲于前者信乎美而彰矣爲章
氏後者一登斯堂將必惕然而興悚然而懼懋乃德勤乃學益
求盡其在我以聽天命之自至則嗣續天香之藉以光于前人
者不可以數計矣何十桂之足羨耶易曰積善之家必有余慶
予敢爲章之先世頌詩曰無念爾祖聿脩厥德予又敢爲章之
子孫深有望云

十桂堂賦 有序

嘉靖二十年辛丑
康正宗

東越有縉紳世家曰備山章氏自宋省元以來繩繩繼繼宗
伯罔伯中丞翰史以下無暨也前太史託齋溫公以十桂匾
其堂司成中川王公亦詳記之矣慨自周楨棧樸之喻尚矣
繼是孤松五柳節矣而無及人之功委于時也猶可說也五
桂三槐榮矣而無經濟之節殉于時也不可逃也較之十桂
之際盛世而弘功業者有間也矣唯騷經以菌桂喻君子詩
餘以三桂擬科名噫堂乎可謂獨專茲義也矣予楚人漫以
楚辭賦之用殿託齋中川之後云辭曰

繼太極之網緼兮播淑氣於泰貞造化爲工兮奠兩儀三才而
錯敝倬雲漢之爲章兮旋日月而列星辰山川艸木爲地之文
兮萬彙欣欣以向榮善者桂蘭兮惡者爲猶而爲榛亦元氣之
自然兮亦物性之生成故槭棘不可以爲材兮梧櫟不可以爲
薪樗櫟不可以登廟堂兮何惡楸之紛紛栝山何以有榎兮栲
山何以有樗董蒲何以見左氏兮柏榭何爲閔而見禮粵虞廷
之咨伯益兮掌山虞之林衡維崇伯子之敷土兮克施榦栝柏
于後庭揭王風而陳詩兮檇樸咏濟濟于周楨彼取材以喻才
兮何罕譬之非倫稽燕山之五桂兮無掇于陳橋之策勲植太
原氏之三槐兮天書謬詞而莫陳惟會稽之覲塗山兮勾越輔


以三仁彼雜霸而軾鼃兮又何王道之足云表春秋之附庸兮
國號章而稱人承祖德之蟬嫣兮繫省元于宋辰燦東壁之圖
書兮青藜太一之繩繩昌少微之文運兮際享嘉于 皇明或
兩亞春官兮禮中正而樂和平羗伯夷于異代兮又何戾乎直
清或兩使絕域兮敬叅前而倚衡類端木之才華兮咸奏績于
息爭或啓瑤函金櫃以定群籍兮竭吾道中天而離明或羗伯
罔以聯鑣兮後克聖而罔欽或執法於太微之垣兮象憲度之
惟貞啓多材于來裔兮夔龍彞足于 帝庭肆罕譬而無繇兮
聊擬述于鄧林披騷經而采采兮澧蘭沅芷而交穰纈蒹葭蕙
以靈脩兮惟菌桂之陰陰式吳剛之步月兮每世折而揚芬渺

玉兔玄霜之弗顧兮御霓裳之泠泠采杜蘅以爲伍兮辛夷媚
托以芳鄰構葯房而成椒堂兮而又餐夫菊英萃衆馨而莫及
兮而惟此桂也卜素秋以揚芬兮樂乎其素也紅黃白之繇分
兮咸魁冬之傑也名十桂而無限兮極要終之數也何哲人之
潔姱兮乃獨爲此度也豈傲世而自馨兮惟好脩之故也惟華
陽之太史兮揭華匾之芳名繼中川之揚芬苾兮將以視矩護
於雲仍虞堂構之未艾兮恐莫堅夫芳盟命靈氛爲予筵蓐兮
靈氛告予以吉占曰靈臺有地兮匪石匪山仁義爲種兮桂子
丹丹六經爲培養兮厥壤惟安子史爲灌溉兮左右逢源令聞
爲馨兮其樂孔湛世揚天芬兮奚翅萬千諱曰堂有桂兮桂有

枝懷美人兮興何涯恐佳奇之遲暮聊逍遙於希夷坐鷲嶺兮
鴻磐餐桂蕊兮療饑收滄海于樓臺吐清芬而成辭

... 卷之六 終

... 卷之六 終



密菴堂銘

有序

山陰吳昉

徵士章公名鉞字克威乃會稽之望族也爲人謹愿言溫而
氣和學博而識明雖韜光弗耀而賢名籍籍已聞于士大夫
間久矣公理官務治家政卽迎辨解未嘗以旁午轆轤爲慮
至髮種種亦然故于家居之西築別室爲藏修之所以間計
則三四焉遂自匾曰密菴蓋取於節之初九不出戶庭無咎
之義其意在密言語以脩厥身也吁公以是名菴則知其賢
於人也遠矣余重其請故忘鄙陋而樂爲之銘銘曰

噫維語言乃人樞機召榮之麾取辱之基欲修厥身莫踰於斯

偷之何如慎密是資爲君不密則臣必離爲臣不密則身必危
大易所示周孔明規小人罔念君子克持禁絕躁妄致審幾微
言既能密行必無違朝惕夕厲念茲在茲菴以是區令名永垂

密菴堂銘

山陰孫紀

有美若人宅心孔淵端處一室靈扁泊然衆譁自遠外慮弗牽
維養有素而道自全其道斯何守之以密言爲亂階緘默則吉
機事甚微密斯不失我誦
辭欽哉是式

